

DIPOTŠIŠO LE DIKARABO

BAHEBERE KAROLO YA III

¶ . . . go ba fa bošegong bjo gape mo tabarenekeleng, go letela ka go kopanelo ye kgolo ye le go tumiša go dikologa Lentšu la Modimo le le filwego rena mahala. Gomme re . . . rata go ba batšeakarolo ba tšhegofatšo ye.

⁵⁵⁴ Gomme ke tshepela feela gore Modimo o tla re šegofatša bošegong bjo boka A dirile mosong wo, ka molaetša wa mosong. Gomme ke be ke no bolela le moagišani wa ka, Mdi. Wood, nakwana ya go feta, gomme re be re e ahlaahla, le Mna. Wood le bona. Gomme ke dumela gore theroye kaonekaone ya Ngwanešu Neville go tšwa go tšohle tše kaone a di rerilego, yela e bile ye kaone go nna go phala e ka ba efe a kilego a e rera golebjale. Ka kgonthé ke kganyogile le go thabela theroye yela ya go kgahliša. Gomme e mpha mafolofolo, gomme e ntlhohlorile. Kafao ke—ke rata go amogela therešo, le a tseba. Kafao, mabapi le dikarolo tša mafolofolo, le a tseba, go ba mafolofolo, le ka fao go . . . Dafida o be a le tale, le ka fao gore o . . . Mola ka go teko yela ye kgolo, sebakeng sa go re “Gabotse, ke tla dira se, Morena, O no nthuša,” o letile, o ile gomme o kgopetše Morena a dire eng. O tlišitše nkatana, le a tseba, gomme o rile, “Bjale a re emeng gomme re kgopele Modimo, ‘Ke eng re swanetšego go e dira ka tlalelong ye?’” Oo, yeo e be e humile ka kgonthé. Yeo e bile le divitamine tše ntši go feta mabenkele ohle a diokobatši ao a bilego ka nageng. Ee, mohlomphegi, yeo ka nnete e go dira gabotse.

⁵⁵⁵ Bjale, bošegong bjo, ga—ga re nepe go dula e sego botelele go feta bošegogare, ge re ka kgona, go dipotšišo tše. Kafao re—re ya go tla thwi ka go tšona, ka bjalo. Ke go fetša dipotšišo tše, gomme nako le nako ke thoma go di fetša . . . Bjale, Kgaetšedi Hattie, ga ke re seo, o tseba seo. Ke—ke be ke no bolela seo, o a bona; gomme, go lokile. Eupša ke ne tše dingwe tše thatana fa go tšwa go modiredi, gomme ka kgonthé di boima go araba. Le a tseba, bona bareri, ba e phetlaganya go kgabola Beibele le go leka go hwetša dikarabo tša bona beng pele ba tla go botšiša, le a bona. Gomme morago . . . gomme ye e gatišwa theiping, e ya tlase Georgia go moreri mogwera wa ka yo a nego dipotšišo tše seswai tše go ikgetha fa tše di lego kudu, go rotogela kudu.

⁵⁵⁶ Gomme bjale, beke ye e tlago ye, se lebaleng go re rapediša.

⁵⁵⁷ Gomme mosadimogatša wa ka o kaonekaone; o tsogile bjale, gomme o thušitše go apea, lehono. Bagwera barategi ba rena go tšwa Canada, Ngwanešu, Kgaetšedi Sothmann, ba fa go re eteleng, gomme ka kgonthé re thabela ketelo ya bona. Gomme

mosadimogatša wa ka, go tsebeng gore ba etla, gobaneng, o be a eya go tsoga gore a kgone go ba le boipshino bjo rilego le kopanelo ya batho ba Bakriste ba go ratega. Re thakgetše go ba le Ngwanešu Freddie le rena bosegong bjo, gomme o šetše le . . . O be a le fa mosong wo, eupša ke a dumela o šetše le . . . aowa, yeo ke nnete, o ne Meda, mokgwa wa go ba le yena ge re etla tlase; gobane ke a tseba go tlo ba thari gannyane bosegong bjo, ke selalelo le go hlapiša maoto. Kafao re thabile go ba le bona le baeng le rena.

⁵⁵⁸ Bjale, pele re thoma go leka go tšea go araba dipotšišo . . . Gomme nno elelwang gore nka—nka ba phošo, le a bona, ga—ga ke tleleime go rereša go se sengwe le se sengwe seo ke se dirago. Ke—ke leka go rereša, eupša mohlomongwe ke—ke phošo. Gomme—gomme ge ke le phošo, gona le no ntshwarela; gomme ke a rapela Modimo o tla dira, le yena, gobane ga ke rere go ba phošo. Ga ke leke go di araba go no . . . goba ka tsela yeo ke no go . . . bakeng sa kgethollo, ke di araba bokaonekaone kudu bja tsebo ya ka, le a bona. Gomme ge eba ke swanetše go fetola dikgopololo tša ka go potšišo ya Beibele, ke nagana seo e no ba selo go dira. Re swanetše go fetola, nako e ka ba efe, ge Lentšu la Modimo le bolela; gobane ke Lentšu la Modimo.

⁵⁵⁹ Gomme bjale, ke nagana re ya go rapelela balwetši gape bosegong bjo, bjalo ka mehleng. Gomme dinako tše dingwe o no makala; o tšea boka sehlopha se sennyane boka se, se sennyane go feta, oo, tabarenenekele ye nnyane fa, gomme dinako tše dingwe ga o bone dipuelo tše o ratago go di bona. Eupša selo, se o se dirago, o no ba o goga go tšwa e ka ba bathong ba makgolopedi. Gomme ye nngwe ya dikopano tše kgolo, mohlomongwe o goga e ka ba kae go tšwa go dikete tše tharo go iša go lesome, le a bona, gomme—gomme mohlomongwe bontši. Kafao yeo ke tsela, o swanetše go bona bogolo kudu. Eupša bosegong bjo, ke be ke no be ke araba . . . Nnete mogala wa rena o lla feela metsotso ye mengwe le ye mengwe e se mekae ka letšatši le karolo ya bošego.

⁵⁶⁰ A yo ke Mdi. Reisert a dutšego fa, ke mo lebeletšego? Beibele ya gago, kgaetšedi, Kgaetšedi Wood o ne yona morago fale. Ke go tlišeditše mosong wo, gomme ga—ga se ke fihle go go fa yona. Gomme ga—ga se ke go bone mosong wo, gomme Mdi. Wood o e swere.

⁵⁶¹ Kafao go arabeng mogala le go hwetšeng di—di dilo tše kgolo tše di dirilwego. Mohumagadi o nteleditše, o rile, “Ngwanešu Branham, ke be ke le kopanong *e rilego e rilego* gomme ke be ke babja ke bothata *bjo rilego bjo rilego* botelele *bjalo*. Gomme, o a tseba, o nno bolela morago fale, gomme feela . . .” O rile, “Ke nyakile ke idibetše ge O no buša bophelo morago.” Gomme o rile, “Gomme ga sa nke ka tsoge ke fokola ge e sa le.”

⁵⁶² Gomme mohumagadi o a tsena gomme o rile . . . ke a dumela o fa bosegong bjo, goba o be a eya go otlela go tloga Bedford, ke a

dumela, goba felotsoko godimo ka fale. Morwa wa bona o be a le ka fa, ke a dumela, yoo a bilego le bothata bja pelo, ka leemong lela la go befa. Gomme o be a dutše fa ka kopanong, gomme—gomme Morena o sepetše tikologong gomme o kgwathile . . . o rile go mošemane ka ga bothata bja gagwe, gomme go be go le thata go emiša letsogo la gagwe, le tlhaselo ya pelo, le letsogo la gagwe lohle le gwahlane, le pelo ya gagwe ka mokgwa wo. Gomme ka pelapela o tsene thwi ka koloing le go otela go ya gae, ga se a tsoge a tshwenywa ke yona ge e sa le. Mohumagadi yola o fihlile fa go tšwa Bedford? A o gona, mohumagadi? Yena šole, ka morago. Ee, o sa tšo nteletša, nakwana ya go feta.

⁵⁶³ Gona go ne mohumagadi o nteleditše go tšwa tlase ka Evansville. Gomme ga se a kgone go fihla fa gobane o kgole kudu, o be a sa tsebe re be re e ya go ba le tirelo ya phodišo bošegong bjo. Gomme o rile, “Ngwanešu Branham, ke be ke dutše ka kopanong ya Evansville,” gomme o rile, “o lebeletše morago godimo ga lešaba gomme o rile . . . mpoditše ke be ke le mang, le se ke se dirilego, le se ke tlaišegilego ka sona, le go ya pele ka mokgwa woo.” Gomme o rile, “Ke bile le seemo sela sa asma, gomme ka no swanelo go tšhuma Asthmador le se sengwe le se sengwe ka kamoreng ge e sa le ke le mosetsana yo monnyane.” O rile, “Yeo e bile mengwaga ye mebedi ya go feta, gomme ga sa nke ka ke ka ba le sepatso se setee sa yona ga e sa le.” Le a bona?

⁵⁶⁴ Gomme bakeng sa bale ba lego fa bošegong bjo, ba bego ba se gona mosong wo go ipshina ka bopaki; ke be ke le godimo lebenkeleng la disente tše lesome, ke reka mpopi, maabane. Bjale, woo e be e se bakeng sa ka mong, le a bona. Woo e be e le bakeng sa mosetsana wa ka yo monnyane, Rebekah, fale. Gomme—gomme Sarah o be a eya felotsoko, go gongwe, lehono. Ba bangwe ba dithakanasekolo ba gagwe ba bannyane ba be ba ne mohuta wo mongwe wa mokgobokanelo wo monnyane, wa letšatši la matswalo goba se sengwe, gomme o be a tšere mpho ya gagwe ye nnyane; gomme ke be ke reka mpopi wo monnyane wa lesea, e ka ba botelele bjo. Gomme go bile le mohumagadi o sepeletše godimo fale, o rile, “O a nkgoropa?”

⁵⁶⁵ Gomme ke rile, “Ga ke dumele ke a dira.”

⁵⁶⁶ Gomme go tla go hwetšagala, e be e le wa leloko go Ngwanešu Neville fa, yoo e ka ba . . . ge ke be ke le tseleng ya ka go ya Sweden, ba . . . O tlie ka fa, o bile le mošemane yo monnyane go setulo sa bagolofadi, feela boka Edith yo monnyane fale, gomme moisa yo monnyane o bile le kankere, sehlogi sa go phera ka bjokong. Gomme hlogo ya gagwe ye nnyane e gogetšwe tlase, gomme o . . . gomme dingaka di be di mo file feela dibeke tše tharo go phela. Ba be ba e ntšheditše ntle le go e hlahllofa, gomme ba e bone e be e . . . se e bego e le, gomme ba no mo fa dibeke tše tharo go phela. Gomme ba be ba swanetše go mo kgarametša tikologong ka setulo sa go thetha, gomme morago ba mmee godimo ga leako ge a tšwile ka kamoreng le go mo lekola,

gomme morago go mmuša morago tlase. Ile gomme ke rapeletše mošemane yola yo monnyane, gomme ke kgopetše Morena go mo fodiša. Gomme lona letšatši la go latela, ge ba mo išitše godimo fale, o rile, “Ga ke nyake setulo seo sa bagolofadi.”

⁵⁶⁷ O tsene ka sefatanageng gomme o otletše godimo fale, gomme ngaka e phutholotše leako, o rile, “Ga ke nyake leako leo.”

⁵⁶⁸ Kitimetše godimo fale gomme o dutše fase, ngaka e mo lekotše, o rile, “Gabotse,” o rile, “sebakeng sa dibeke tše tharo, ke ya go go fa mengwaga ye lekgolo le masomeseswai o yago go e phela.”

⁵⁶⁹ Gomme maabane, mme o kopane le nna. Gomme a ka no ba fa, go tšohle ke tsebago, bošegong bjo. Gomme mošemane yo monnyane o be a le ntle a bapala kgwele ya maoto, lesogana bjale. Ya go phera, kankere ka bjokong, gomme go no ya go bontšha . . .

⁵⁷⁰ Oo, diketekete tša dilo, le a bona. Modimo a ka se palelwe. O—O no se kgone go palelwa.

⁵⁷¹ Ngwanešu John, a leihlo la gago le kaone, ngwanešu? O bile le kotsi, gomme o be a kokotela sepikiri gomme se mmethile leihlong. Gomme re be bohle re be re rapeleta Ngwanešu John O’ Bannon, ngwanaborena go tšwa Louisville yoo a bilego le kotsi ka sepikiri seo se mmethilego ka leihlong.

⁵⁷² Bjale, dipotšišo tše ke bo—bo botebo bja pelo ya yo mongwe; bjoo ba bo badilego go kgabola Lengwalo le go hwetša dilo tše, gomme ga ba . . . mohlomongwe ga ba kgone go ikgotsofatsa bonabeng, kafao ba di neela fa go rena go leka go araba. Gomme le a bona ke bothata bofe go re tsenyago; gobane, se o se bolelago, ba tla lala go sona. Kafao o swanetše go ba kgonthe o nneteng, gomme ke . . . ka kgonthe ka fao o ka bago. Kafao gona, selo go ba kgonthe gore re nneteng, a re no kgopelang Moya wo Mokgethwa bjale go re hlathollela se, ge re sa inamišitše dihlogo tša rena.

⁵⁷³ Bjale, Tate wa Legodimong, oo, a monetla o lego go re “Tate” go Mohlodi yo mogolo wa magodimo le lefase. Gomme re no kgopela gore O tla tsea dipotšišo tše ka go tlhokomelong ya Gago Mong bjale. Di neetšwe fa ka tlhokofalo ya go tebatebi. Modimo, anke bjoo bo tšwe dipelong tša rena, tlhokofalo ya go tebatebi, go ba araba ka go bokaonekaone re bo tsebago; e fe.

⁵⁷⁴ Gomme anke dikgaogelo tša Gago di khutše godimo ga yo mongwe le yo mongwe. Gomme anke se sengwe se bolelwa fa bošegong bjo seo se tla go no thuša yo mongwe le yo mongwe a lego fa. Gomme ge re tloga, ka morago ga thapelo bakeng sa balwetši le go tšeeng selalelo le go ya pele, anke re bolele boka bale ba tšwago Emause, “A dipelo tša rena ga se di swe ka gare ga rena ge A be a bolela le rena mo tseleng?” Ka gore re e kgopela Leineng la Jesu. Amene.

⁵⁷⁵ Bjale, boka ke boletše makga a mantši, gore tše—tše fa ke—ke bokaonekaone bja kgopolu ya ka ka tšona, gomme gona dinako

tše dingwe go tsoša kahlaahlo ye nnyane. Ya pele fa, ke a bona ke se sengwe seo ke se boletšego peleng, seo se neetšwego morago gape. Nka se... nyaka go e bala bjale, ge le rata.

65. Ge Adama le Efa ba bile le bana ba bona ka Edene, a go bile le batho ba bangwe lefaseng nakong ye? Ka go Genesi tema ya 5 gomme temana ya 16, Kaine o dutše ka nageng ya Node gomme o tsebile mosadimogatša wa gagwe.

⁵⁷⁶ Bjale, yeo ke po—po potšišo ya go kgahliša. Bjale, re rutwa ka Beibeleng... Gomme makga a mantši tše... dinako tše dintsī ka go se šetše re... Ke be ke fela ke bea godimo ga selipi sa pampiri, gomme ke re, “Botsiša. Araba potšiso ye nngwe le ye nngwe ya Beibe.”

⁵⁷⁷ Gomme yo mongwe o rile, “Gabotse, mosadimogatša wa Kaine e be e le mang?”

⁵⁷⁸ Oo, ke be ke tla dira motlae wo monnyane ka yona goba se sengwe, ke be ke tla re, “Oo, yoo o be a le ngwetši wa mmatswalagwe,” goba se sengwe boka seo, le a tseba, goba—goba “O be a le Mdi. Kaine.” Eupša seo ga se arabe potšišo. Go ne...

⁵⁷⁹ Fale Kaine o bile le mosadimogatša, gobane Beibele e rile o dirile. Gomme ge eba Kaine a bile le mosadimogatša, o be a swanetše go mo hwetša felotsoko. Gomme se se tla lokologanya thwi ka go yona fa:

A go bile batho ba bangwe mo lefaseng ge Adama le Efa ba bile le bana ba bona ka serapeng sa Edene?

⁵⁸⁰ Bjale, ge le ka hlokomela, ka Beibeleng ga se gantsī go tsoge go rekothwa ka ga basadi ba tswalwa. Ka mehla ke ngwana wa monna e lego yena yoo ba mo rekothago ka Beibeleng, e sego mosadi. Ga se gantsī go ke go bolelwē ka tswalo ya lesea la mosetsana, ka Beibeleng. Oo, phatlalatša, ga ke tsebe ge ke gopola o tee thwi go lokologa go tloga bjale, ka monaganong, moo go kilego gwa rekothwa tswalo ya lesea; e rile, “Ba belege barwa le barwedi.”

⁵⁸¹ Bjale, Beibele e fa feela rekoto ya bana ba bararo bao ba tswaletšego go Adama le Efa, gomme bao e bile Kaine, Abele, le Sethe. Bjale, ge bohole ba bararo bale ba le banna, ge eba ga se go be le basadi bafe ba tswetšwego, gomme gona ge mosadi a nnoši (Efa) a ehwa, leloko la motho le swanetše go kgaotša go ba gona thwi gona, gobane go be go ka se be le tsela go bona go—go ba le e ka ba ofe... moloko wa motho go tšwelapele, gobane go be go ka se be le mosadi a šetšego. Efa a ka be a bile yena a nnoši. Eupša, le a bona, ga ba rekotha tswa—tswa tswalo ya masea a mosetsana, ka Beibeleng, kafao kagona ba be ba swanetše go ba le basetsana go swana le bašemane.

⁵⁸² Bjale, mongwadi wa kgale, yo mongwe wa bangwadi ba bogologolo kudu re nago le yena, Josephus, o tteleima ba bile le bana ba masomešupa, gomme Adama le Efa; yo mongwe wa

bangwadi ba kgalekgale, “bana ba masomešupa, gomme ba bile bobedi barwa le barwedi.”

⁵⁸³ Bjale, ge . . . Gomme gona ge Kaine a ile nageng ya Node . . . Bjale, ge le ka lemoga, mongwadi o be a le kudu, bohlale kudu go ngwaleng fa. A le lemogile ka fao a e tsopotšego?

Ka Edene, ge ba bile le bana ka Edene . . . Bjale, e sego ka serapeng sa Edene, mongwadi o tsebile seo. E ka ba mang a ngwadilego nnouto fa, o rile: **Ge Adama le Efa ba bile le bana ka Edene . . .**

⁵⁸⁴ E sego ka serapeng sa Edene, gobane ba be ba raketšwe ka ntle ga serapa sa Edene. Eupša ba be ba sa le ka Edene, gomme serapa sa Edene se letše ka bohlabela bja Edene. Eupša Edene e be e le boka naga goba—goba se . . . goba naga, gomme Node e be e le naga ye nngwe goba naga ya kgauswi le yona.

⁵⁸⁵ Bjale, motho a nnoši yoo Kaine a ka bego a bile le yena, goba a mo nyetše, o be a swanetše go ba kgaetšadi wa gagwe mong. O be a swanetše. Ka gobane go ne monna le mosadi o tee ba ka bego ba tšwile go bona, le a bona, gomme o be a swanetše go nyala kgaetšadi wa gagwe mong. Bjale, go be go le molaong matšatšing ale.

⁵⁸⁶ Gomme Isaka o nyetše motswala wa gagwe mong wa mathomo wa madi, Rebeka, a beetšwe ke Modimo. Sarah o be a le kgaetšedi wa Abraham, kgaetšedi wa gagwe wa madi; e sego ka mme, ka tate wa gagwe. Le a bona, kgaetšedi wa madi yoo—yoo Abraham a mo nyetšego; mme wa go fapano, eupša tate wa go swana.

⁵⁸⁷ Kafao, le a bona, go nyala ka leloko nako yela, pele ga mo—mo moela wa madi o fokodisitšwe ka molokong wa motho, go be go le molaong gomme go lokile. Bjalo ga go. Ge o ka nyala kgaetšedi wa gago lehono, gomme la ba le bana, ka kgonagalo ba tla ba . . . gabotse, ba tla no golofala le se sengwe le se sengwe. Ebile tlase go motswala wa mathomo le wa bobedi ga ba swanela go nyalana, le a bona, gobane moelamadi o ba fase le go kitimela fase.

⁵⁸⁸ Eupša selo se nnoši gona seo Kaine a ka bego a se dirile, go tla ba, go nyaleng kgaetšedi wa gagwe mong. Gomme ke moo bana ba bilego bao . . . O hweditše mosadimogatša wa gagwe, o ile nagang ya Node gomme o mo tsebile, gomme go tšwa fao go tla ba—ba bana. Le a bona, ba . . .

⁵⁸⁹ Gomme ge le ka hlokomela, go tšwa mothalong wa Kaine go tla banna ba ditswerere. Go tšwa mothalong wa Sethe go tla banna ba borapedi, ke ra, mo—mo morara wa toko. Thwi fale, ba babedi bale, ba tšweleditše wona mothalo woo re phelago ka wona lehono.

⁵⁹⁰ Ge le ka hlokomela lehono bjale (feela go fetšeng potšišo ye): lešika lela la Kaine le sa le gona, le lešika la Sethe le sa

le gona. Bobedi ba theoga feela go swana. Bana ba Kaine ba gona ka Jeffersonville bošegong bjo, le bana ba Sethe ba gona ka Jeffersonville bošegong bjo. Ge moelamadi o sesefala le go yantle, eupša lešika lela le sa swareletše.

⁵⁹¹ Bjale, šetšang. Bana ba Kaine ka mehla ba bile... gomme pele ga tshenyego ya meetsefula, ba be ba le batho ba ditswerere: borasaense, barutiši; le bodumedi kudu, eupša seholpha sa go tšwiwa. Le a bona? Bjale šetšang, ba be ba le boka tatagobona Kaine. Kaine, o be a le monna wa bodumedi kudu. O agile aletara ye botse, gomme o dirile kereke ye botse, gomme o lekile go e dira e bogege bobotse go phala mišene wo monnyane woo Sethe a bilego le ona tlase fale. A le be le tseba seo? Kgonthe o... O kgabišitše aletara ka matšoba, gomme a e beakanya gabotse, gomme o e dirile bobotse; gomme o dirile e kgolo, bogolo, kereke ya go kokomoga, gobane o naganne gore a ka hwetša go gaogelwa ke Modimo go direng bjalo.

⁵⁹² Gomme Abele o ile godimo gomme o hweditše kwana, gomme o thomile go e gogela godimo aletareng, gomme o e beile godimo ga leswika gomme o e bolaille.

⁵⁹³ Gomme bjale, ge eba Modimo go beng go loka, ge eba tšohle A di nyakilego e be e le thapelo, Kaine o rapetše Modimo ka feela bontši bja go hlomoga boka Abele a dirile. Bobedi bja bona ba be ba hlomogile. Bobedi bja bona ba be ba leka go hwetša mogau go Modimo. Ba be le o tee wa bona ba se baganamodimo. Ba be bobedi, ka therešo, badumedi go Jehofa. Bjale, fa, seo se re fa se sengwe go nagana ka sona.

⁵⁹⁴ Ba bangwe fa bošegong bjo ga se nke ka ke ka ba bona, batho; ga se nke ka ke ka le bona peleng. Eupša le swanetše go lemoga se, gomme bolokang se monaganong wa lena. Le a bona? Ga go kgathale o wa bodumedi gakaakang, seo ga se ne selo se tee go díra le yona. O ka no phela ka kerekeng, o ka no dula o hlomogile bjalo, gomme o sa lahlegile! Le a bona?

⁵⁹⁵ Gomme o re, "Gabotse," o re, "badiša ba rena ke ditswerere kudu, ba tla go kgabola diseminari go hwetša thuto ye kaonekaone. Ke bona baithutamodimo, ba tseba thutamodimo yohle—yohle le go ya pele. Gomme ke ditswerere, ba hlahlilwe, bona... bakgethiwa ba bakaonekaone re ba tsebago." Gomme ba sa lahlegile! Le a bona?

⁵⁹⁶ Bjale Kaine, mothalong wa gagwe: ba be ba le, yo mongwe le yo mongwe, bodumedi kudu; batho ba go tuma kudu; gomme ba be ba le boramahlale, le dingaka, le baagi, le bašomi, le banna ba ditswerere. Eupša lešika lela lohle le be le gannwe, go tloga go Kaine gohle go theoga.

⁵⁹⁷ Gomme lehlakore la Abele: ba be ba se baagi ešita barutiši goba monna wa setswerere; ba be ba le, bontši goba bonnyane, go kokobela, mohuta wa barui ba dinku, le balemi, bao ba nnogo sepela ka Moya.

⁵⁹⁸ Bjale, Beibebe e rile, “Ga go na go ahlolwa go bona bao ba lego ka go Kriste Jesu, bao ba sa sepelego go ya ka nama eupša go ya ka Moya.” Motho wa semoya o ne soulo ya semoya yeo e ka se tsogego e hwile. Gomme motho wa senama o ne seemo sa bodumedi go mo dikologa (gomme o nyaka go rapela le go ya pele) eupša o senama; e sego mosedumele, eupša modumedi wa senama; gomme e bile mohuta wo o gannwego.

⁵⁹⁹ Bjale, go tloga fao, Kaine o ile gomme o nyetše mosadimogatša wa gagwe ka nageng ya Node. Bjale, ga e bolele Sethe o nyetše mang, goba ba bangwe ba nyetše bomang. Gomme sona selo se sebotse sa yona ke go tseba seo—seo, Kaine a nyala, re ne karabo go yona. Gobane o be a swanetše go nyala kgaetšedi wa gagwe, goba o . . . goba go ka be go bile . . .

⁶⁰⁰ Go be go se bassadi mo lefaseng, eupša ba swanetše go tšwa go Efa. O be a le mmago tšohle di phelago. Ke gore, batho bohle bao ba bego ba phela, o be a le mme wa yona. Ke ka lebaka leo gore o be a . . . Lentšu *Efa* le ra “mmago diphedi.” Kafao o tlide gomme o tlištše ngwana yo. Gomme Kaine o nyetše kgaetšedi wa gagwe mong, go tla ba tsela e nnoši yeo nka bonago go tšwa go yona. Kagona go be go ne batho ba phela letšatšing leo, ka therešo. Le a bona? Gabotse, gomme . . .

Ge Adama le Efa ba bile le bana ba bona ka Edene . . . Bjale šetšang, yeo ke potšišo: Ge ba bile le bana ba bona ka Edene, a go be go ne batho mo lefaseng nakong ye? Aowa! **Gona ka go Genesi 5:16, le a bona, Kaine o dutše ka nageng ya Node gomme o tsebile mosadimogatša wa gagwe.** Kgonthe. Le a bona?

⁶⁰¹ Yeo ke Genesi 1, moo A hlotšego motho ka seswantšho sa Gagwe Mong, e bego e le theophany. Gomme ka go Genesi 2, O dirile motho go tšwa leroleng la lefase, e bego e le motho wa setho re nago bjale. Gomme morago, ka go ya 3 go bile go wa, gomme o rakilwe go tšwa serapeng sa Edene; gomme morago bana ba belege bana. Gomme Kaine o tšere mosadimogatša wa gagwe gomme o phetše le yena ka nageng ya Node, ka ntle, gobane Modimo o be a mo arogantše go tloga kopanelong le ngwanabong (ka lebaka la lehu la—la Abele). Gomme ke yoo a bilego le yena, kgaetšedi wa gagwe mong, gomme o mo nyetše; ke tsela e nnoši yeo ke kgonago, nnamong, go bona ka fao gore—gore o nyetše.

⁶⁰² Bjale, go boletšwe . . . Gomme ke a holofela gore bagwera ba ka ba makhalate ba ba lego ka fa ba tla swarela tshwayo ye, gobane ka kgonthe ga se nnete. Lekga la mathomo nkilego ka kopana le e ka ba mang bophelong bja ka, ka morago ga ge ke sokologile . . . Ke be ke . . . kopane le Ngwanešu George DeArk le bona tlase fale. Gomme ke sepedišitšwe, gomme Morena o ntlhahletše lefelong le lennyane. Gomme ba be ba ahlaahla moo motho wa lekhalate a tšwago gona. Gomme ba be ba leka go

bolela gore motho wa lekhilate . . . Gore Kaine o nyetše phoofolo boka tšhwene, gomme go tšwa fao go tlie moloko wa makhalate. Bjale, yeo ke phošo! Ka nnete, yeo ke phošo! Gomme le se tsoge la emela seo. Gobane go be go se lekhilate goba mošweu, goba e ka ba ofe yo mongwe wa go fapana, e no ba moloko o tee wa batho go fihlela lefula. Gomme ka morago ga lefula le tora ya Babele, ge ba thomile go šwalalana, ke ge ba tsea mebala ya bona le go ya pele. Bohle ba tšwa mohlareng wa go swana. Yeo ke nnete tlwa. Adama le Efa ba be ba le tate le mme, ba lefase, go sephedi se sengwe le se sengwe se phelago sa batho seo se kilego sa ba lefaseng. Yeo ke nnete. Moso, mošweu, mosehla, motsothwa, moserolwane, e ka ba mmala ofe o ka bago, leo ke nnete lefelo leo o dulago ka go lona, le ka tsela yeo—yeo . . . Feela boka . . .

⁶⁰³ Ke nagana nka hlagiša se ge ke sa le go yona. Batho fa bjale ka go dikgethologanyo tše le melao le dilo ba di fetišago, ke nagana ga di tsee gabotse. Ka kgontha ke a dira. Theetsang, nno tlogelang batho bale ba nnoši, ba tseba se ba se nyakago. Modimo o dirile motho motho wa lekhilate, gomme o thabile ka sona. Ka nnete! Ge Modimo a ntirile motho wa lekhilate, ke tla thaba ka yona; ge A ntirile motho yo motsothwa, ke tla thaba; ge A ntirile motho yo mošweu, ke a thaba; ge A ntirile motho yo serolwana, ke tla thaba. Modimo o re dirile mebaleng ya rena, gomme O re dirile ka tsela ye A re nyakilego, gomme bohole re bana ba Gagwe. Ka nnete! Gomme ga se ba swanela go ngangana le go ya pele ka mokgwa wola. Ke phošo go dira seo. Ga se ba swanela go e dira. Modimo o re dirile . . . ka tsela ye re e nyakago.

⁶⁰⁴ Gomme motho wa lekhilate, ga a nyake go tšwela ntle fale gomme a robe moloko wa gagwe—wa gagwe goba mmala wa gagwe, gomme a o hlakanye ke go o mošweu le se sengwe le se sengwe boka seo. Ga ke mmone phošo. Ga ke dire. Motho wa lekhilate o ne dilo tše motho yo mošweu a se nago tšona. Ka nnete! Yeo ke nnete tlwa. Gomme Modimo ga se nke a ba nyaka go ba ka tsela yeo.

⁶⁰⁵ Gabotse, lebelelang. Motho wa lekhilate o . . . yena o—yena o . . . o na le—o na le boemo ka yena yeo motho yo mošweu a ka se tsogego a dira. O na le gosepela go thabela mahlatse, go “bota Modimo, gomme go no lesa ka moka ga tšona di ikele”; ge eba o ne yona goba ga a nayo, o thabile golebjalo. Nka rata go ba le ka moka boati bja seo, bosegong bjo, ka kgontha ke tla dira. Gabotse, o ne yona, gomme leo ke leruo la gagwe; ga ba nyake go e tswaka le mohuta wo mongwe wa moloko gomme ba e kgaola, ga ešita. Yeo ke nnete tlwa.

⁶⁰⁶ Ke nagana mohumagadi tlase fale ka Shreveport o dirile ye nngwe ya ditshwayo tše kaonekaone—tše kaonekaone nkilego ka ke ka di kwa ka bophelong bja ka. O dirile tshwayo, gomme ba e bea pampiring. O sepeletše godimo, o rile, “Ka tsela ye dilo tše di sepelago fa, ka go kgethologanyo ye, ga ke nyake bana ba ka

ba eya sekolong godimo go sekolo sa bašweu.” O rile, “Ba ka se hwetše šedi ba ka bago ge ba ka ba le morutiši wa lekhalate.” Mosadi yola ke setswerere sa mosadi. O tsebile se a bego a bolela ka sona, ba ne thuto e kaone. Yeo ke nnete tlwa. Kafao ke nagana batho ba dira phošo go direng seo.

⁶⁰⁷ Gomme morago ba re, “Kaine le Abele . . .” le go ya pele ka mokgwa woo. Aowa, mohlomphegi! Mmala ga se o be le selo go dira le yona. Ke moyo ka gare ga fale woo o nago le se sengwe go dira le yona. Yeo ke nnete tlwa.

⁶⁰⁸ Kafao Kaine o tsebile mosadimogatša wa gagwe, gomme yoo e be e le kgaetšedi wa gagwe. Gomme ba . . . o mo išitše nageng ya Node, gomme ke moo go tšwago merafe ye mentši ya lefase: babodumedi le barapedi.

⁶⁰⁹ Gomme nno nagana lehono, mogwera, nno ema gomme o nagane feela nakwana. Gore go ne masome a diketekete atiša ka masome a diketekete le diketekete tša diketekete, tša ka nnete batho bayakerekeng, feela ba go hlomoga le go ineeala go kereke yela ba ka kgonago go ba, bao ba no go lahlega kgole boka Kaine a bile. Le a bona? Ke Modimo Yo a kgethago! Ke Modimo Yo a hlaolago! Le a bona? Modimo Yo a fago kgaogelo! Letsopa le ka se bolele go mmopi, ke mmopi godimo ga letsopa. Yeo ke nnete.

⁶¹⁰ Bjale še ye botse, ya go latela fa:

Ka go Petro wa Bobedi 2:4—2:4 . . .

⁶¹¹ Yo mongwe a nago Beibebe, ke nyaka go ya go mangwalo a thwi ka pela ge ke sa a bala, ge o nyaka. Gomme mohuta wa go nthuša fa, ge re hwetše potšišo ye.

⁶¹² Bjale, ka go ye Kaine le—le go ya pele, ge seo se sa e kgotsofatše bjale, nno ntira ke e hwetše. Re tla thakgala . . .

⁶¹³ Bjale Petro wa Bobedi 2:4. Go lokile, mohlomphegi, ke rena fa:

66. Petro wa Bobedi 2:4, “Gobane ge Modimo a . . . Gobane ge Modimo a sa tsebafa barongwa bao ba dirilego sebe, eupša a ba lahletše tlase ka heleng,” gona gobaneng Kriste a reretše meboya ka kgolegong, ka go Petro wa Pele 3:19?

⁶¹⁴ Bjale, re swere Petro 2:4, wa pele. Go lokile:

Gobane ge Modimo a sa tsebafa barongwa bao ba dirilego sebe, eupša a ba lahletše tlase—tlase ka heleng, gomme—gomme a ba gafetše diketaneng tša leswiswi, go bolokelwa go ka go kahlolo;

⁶¹⁵ Bjale, bjale a re hwetšeng ka go Petro wa Pele (yeo ke Petro wa Bobedi), Petro wa Pele 3:19, theetsang ye. Ke rena ba, thwi fa. Tše di sa tšo tsena, lebaka ke sa bago le tšona di ngwadilwe.

. . . yo gape . . . ilego le go rera go meboya ka kgolegong;

⁶¹⁶ Oo, ee, ke rena ba. A re thomeng gannyane pele ga yeo, temana ya 18:

Gobane Kriſte le yena... o tlaiſitšwe bakeng sa ſebe gatee, moloki bakeng sa baseloke, gore a ke a re tliše go Modimo, a bolaweng mo nameng, eupša a phedišwa ke Moya:

Ka ona gape O ile gomme o rerile go meboya ka kgolegong;

Ye nako ye nngwe e sa obamelago, . . .

⁶¹⁷ Mogwera wa ka morategi, ge o ka no bala temana ya go latela, gomme šele E a e hlaloša. Le a bona?

Ye e bilego nako ye nngwe go sa obamele, ye go kilego go pelofala ga Modimo go letilego matšatšing a Noage, mola areka e lokišwa, moo ba se ba kae, ke gore, disoulo tše seswai di pholoſitšwego ka meetſe. (Le a bona?)

⁶¹⁸ Bjale, ge le ka hlokomela fa, ke a nagana moreri yo fa o swere ye nngwe go . . . se sengwe mothalong wa go swana, e tla arabja moragorago gannyane.

⁶¹⁹ Petro wa Pele 4 . . . goba 2:4, ge le ka hlokomela, “gobane ge Modimo a sa tsebafa barongwa,” *morongwa* yola e peletilwe bjang? Ye nnyane “m.” Le a bona? Bjale, godimo fa, “meboya yeo e bego e le ka kgolegong yeo e sa sokologago ka go pelofaleng ga matšatši a Noage,” barongwa ba go swana. E be e le batho: batseta, bareri; “a se tsebafa barongwa.” A le be le tseba gore . . . lentšu *morongwa* le tšwa go lentšu “motseta”? Ke ba bakae ba tsebago gore *morongwa* ke “motseta”? Ka nnete, *morongwa* ke motseta, “gomme ga se A tsebafa barongwa.” Le a bona?

⁶²⁰ Gomme godimo fa ka go Bahebere, le elelwa re ile go e kgabola dibeke di se kae tša go feta, “barongwa”?

⁶²¹ Gomme godimo ka go Bahe- . . . ka go Kutollo, “Go *morongwa* wa kereke ya Sarede mo ngwalele dilo tše. Go *morongwa* wa kereke ya Efeso mo ngwalele dilo tše. Go *morongwa* wa kereke . . .” Le elelwa yeo? Gomme ke kitimiſitše morago lentšu *morongwa*, gomme go tšwa go pukuntšu, le go hwetša gore yeo e ra “motseta.” E ka ba “motseta lefaseng, motseta wa kagodimogatlhago,” lentšu *morongwa*.

⁶²² Kafao ka go seemo se, ge re ka tsea pukuntšu le go e kitimiša morago, le tla hwetša e thoma go “batseta, batseta ba mathomo.” Le a bona, “Ge a . . . Ge a sa tsebafa . . . Gobane ge Modimo a sa tsebafa barongwa bale ba dirilego ſebe,” (Le a bona?) “gomme diphedi tša kagodimogatlhago,” (Le a bona?) “morago ga go leta . . .”

Bjale šetšang, o rile:

. . . ge . . . sa tsebafa barongwa bale ba dirilego ſebe, eupša a ba lahletše tlase heleng, gomme a ba gafetše diketaneng tša leswiswi, go bolokelweng go kahlolo;

⁶²³ Gona lebelelang godimo go Petro wa Pele fa gape, 3:19, šetšang ka fao ye e balegego bjale:

*Gobane ka ona gape o ile gomme o rerile go meboya
ka kgolegong;*

*Ye nakong ye nngwe e sa obamelago, ge go kilego go
pelofala ga Modimo go letilego matšatšing a Noage, . . .
(le a bona, e be e le batseta ba letšatši leo, batseta) . . .
mola areka e sa lokišwa, moo . . . ke gore, disoulo tše
seswai di phološitšwe ka meetse.*

⁶²⁴ Bjale ge le ka hlokomela ge diphedi tšela di be di le ka Legodimong. Bjale, godimo ka go Kutollo 11 . . . goba tema ya 7, ke a dumela . . . goba aowa, aowa, ke tema ya 12. O fa seswantšho sa mosadi a eme; ngwedi hlogong ya gagwe gomme letšatši . . . goba, letšatši hlogong ya gagwe gomme ngwedi ka tlase ga dinao tša gagwe. Gomme trakone ye khubedu e eme go metša Ngwana ka pela ge A tswetšwe, gomme o tšere mosela wa gagwe gomme o gogile boraro bja dinaledi tša Legodimong gomme o di lahletše lefaseng. A le lemogile seo? Bjale, seo ga se re gore Sathane o ne mo—mo mosela wo motelele woo a hakago batho, eupša “nonwane yeo a ba boditšego,” gomme o gogile karolo ya boraro ya dinaledi tšela. Dinaledi tšela e be e le peu ya Abraham.

⁶²⁵ Abraham o rile, “Oo . . .”

⁶²⁶ Modimo o boditše Abraham, “Lebelela godimo magodimong, gomme o bale dinaledi ge o ka kgona.”

⁶²⁷ O rile, “Ga ke kgone go e dira.”

⁶²⁸ O rile, “Ešita o ka se kgone go bala peu ya gago,” dinaledi.

⁶²⁹ Ke mang Naledi ya go Taga le Moso? Jesu Kriste wa Nasaretha, wa go tagatagi yoo a kilego a phela nameng ya setho. Ke yena Naledi ya go Kganya le Moso. Gomme ke Yena Peu ya Abraham, e etla ka Isaka. Gomme rena, go hweng ka go Kriste, re tšeа Peu ya Abraham le bajabohwa go ya ka tshepišo.

⁶³⁰ Kafao dinaledi tša legodimong di emetše meboya ya motho fa. Gomme ge trakone ye khubedu (Roma, ka tlase ga tlhomaro ya yona) e hakile peditharo ya . . . goba boraro bja dinaledi, le go ba lahlela fase, yeo e bile ka go bapolweng ga Morena wa rena Jesu Kriste ge ba Mo ganne gomme O be a . . . gomme ba Mo lahletše ntle gomme ba se na selo go dira le Yena; fao go bile karolo yela ya boraro ya dinaledi tša barongwa, diphedi tša barongwa.

⁶³¹ Le a bona, ka mmeleng wa gago, ka gare ga gago . . . (re ne potšišo ye nngwe go seo, thwi, go e araba bokaone.) Kafao ge . . . Ka gare ga gago ke moyo, motho yo mongwe. Bokantle bja gago ke motho yo mongwe, ka gare ga gago ke motho yo mongwe. Kafao bokagare bja gago ke sa kagodimogatlhago, bokantle bja gago ke sa tlhago. Le a bona? Gomme sephedi se, ge eba o etwapele ke Moya, ke Modimo, o ba motseta wa Modimo, goba morongwa. Motseta wa Modimo, morongwa wa Modimo, ke

lentšu la go swana; o ka se le ahlologanye: motseta wa Modimo, goba, morongwa wa Modimo.

⁶³² Gomme ke mang a nago maatlataolo a magologolo? Morongwa go tšwa Legodimong goba morongwa mo phuluphithing? Ke mang a nago ona? Morongwa mo phuluphuthing! Paulo o rile, “Ge Morongwa go tšwa Legodimong a etla le go rera ebangedi e ka ba efe go lena kgahlanong le ye ke šetšego ke e rerile, a a be morogakwa.” Kafao morongwa a tloditšwe ka Moya wo Mokgethwa le ka Lentšu o ema kgauswi le Modimo. Yeo ke nnete. Ka Legodimong, maatlataolo a gagwe...

⁶³³ “Maatla ohle ka Legodimong le lefaseng a filwe seatleng sa Ka. Eyang, gomme Ke tla ya le lena. E ka ba eng le e tlemago lefaseng, Ke tla e tlema ka Legodimong. Se o se tlemollago lefaseng, Ke tla se tlemolla Legodimong.”

⁶³⁴ Oo, ge nkabe Kereke ye kgolo feela e lemogile maatla a yona go dira dilo tše. Eupša go ne pelaelo ye ntši le poifo le mothothomelo, go makala ge eba e ka dira, “A e tla direga?” Ge feela seo se le gona, Kereke e ka se tsoge ya ema thwi. Gomme ge polelo ye nngwe le ye nngwe ya poifo e nyamaletše gomme Moya wo Mokgethwa o le taolong ya Kereke ka go felelela, gona dipoiwo tšohle di ile, gomme Kereke yela e ne maatla. Le a bona? Gobaneng, ba ne se sengwe le se sengwe seo Legodimo le se ruilego ka morago ga bona. Ke bona baemedi ba Terone. Ka nnete! Moemedi wa Kriste o ne maatlataolo, gomme se sengwe le se sengwe seo Kriste a se ruilego ke sa moemedi yoo. Gomme O rile, “Lena eyang ka lefaseng lohle, ke lena dihlatsa tša Ka morago ga ge Moya wo Mokgethwa o tlide go lena.” Gomme hlatse ke eng? Ke moemedi; ke go tla le go hlatse se sengwe. Maatla ka moka a Legodimong a thwi ka diatleng tša lena! Oo, gobaneng re dutše? Gomme kereke e opafetše, gomme re dutše go se šikinyege. Ke ka gobane ga re lemoge dilo tše.

⁶³⁵ Bjale, disoulo tše di bego di le ka kgolegong (tše di sa sokologago), e be e se diphedi tša Barongwa tše di—di bego di tlišitšwe fase ka sebopego sa Barongwa, eupša e be e le meboya ya diphedi tšela tša barongwa tše di welego pele ga motheo wa lefase, morago fale ge ntwa e kgatlampane ka Legodimong. Gomme Sathane le—le trakone ba lwele, gomme morago... goba Mikaele le—le tra—tra trakone ba lwele (le Lusifa). Gomme Lusifa o ile a lelekelwa ntle le bana ba gagwe bohole (barongwa bohole bao ba forilwego), gomme barongwa bale ba tla lefaseng gomme bjale ba swanelwa gona go ba batho. Gomme ge ba dirile, ke ge “barwa ba Modimo ba bone barwedi ba motho e le ba babotse, gomme ba ba tšere basadibagatša.”

⁶³⁶ Bona ke barwa ba Modimo. Motho yo mongwe le yo mongwe yoo a tswetšwego lefaseng le ke morwa wa Modimo. Go sa kgathale ge eba ke modiradibe goba se a lego, ke morwa

wa Modimo. O hlotšwe ka seswantšho sa Modimo bakeng sa ditumišo tša Modimo, o hlotšwe ka tsela yeo. Eupša Modimo mo mathomong o tsebile ke mang a tlago Mo amogela le ke mang a ka se Mo amogelego. Kagona O kgonne go kgethelapele, goba, e sego go kgethelapele, eupša ka tsebelopele O kgonne go bolela ke mang a tla phološwago le ke mang a ka se phološwego, gobane O tsebile ke motho ofe a tla tšeago moya ofe.

⁶³⁷ Gomme meboya yela yeo e tlago go tšwa Teroneng ya Modimo, gomme e ema pele ga Terone ya Modimo, gomme e phetše... gomme dibilione le dibilione le dikgala tša nako pele lefase le ka tsoge la thoma, ka Bogeneng bja Modimo, a le nagana ga ba tsebe se sengwe ka ga go rapela? Gomme ba theoga le go tsena thwi ka mothong, gomme ba rapela Modimo! Ka nnete, ba rapela Modimo; gomme ba ne tsebo ya Modimo, gomme ke ditswerere, le mahlajana, le go rutega, ka mehla. Eupša Modimo o ba ganne go tloga mathomong!

⁶³⁸ Kafao kagona, mogwera, boleloko bja kereke, goba—goba tsebo ya thutamodimo tsoko goba se sengwe, ga se na selo go dira le Yona. E swanetše go ba Madi a Jesu Kriste le tswalo ye mpsha ao a go tšoenago go Yena bjalo ka motho o tee. Ke lena bao.

⁶³⁹ Modimo, mo mathomong ge A tsebile gore... Banna le basadi ba dirilwe batee, e sego babedi, ba dirilwe batee. Ba arogantšwe, o tee o beilwe nameng gomme o tee ka go theophany. O be a tseba seo. Kafao go netefatša seo go lena: ge Modimo a dirile mosadi, ga se nke A tšeа lerole tsoko gomme a mo dira boka A dirile monna; O tšere kgopo go tšwa lehlakoreng la Adama, gomme o ba setšwa monneng (gobane ke karolo ya gagwe.) Le a E hwetša bjale? Le a bona? Ke lena bao.

⁶⁴⁰ Barongwa šebao. Gomme Modimo le moyo woo o tšoennego le Modimo ke Moya o tee. Yeo ke nnete. Bjale, Moya wa Modimo woo o dulago ka Kerekeng, ke Moya wola o tšwago Legodimong, woo o Modimo a o tsebilego pele ga motheo wa lefase, woo o gannego maaka a diabolo. Gomme moyo wola o ile wa swanela go tšeа mmele wa nama go ba... go tšeа meleko ya gagwe. O be a swanetše go ba nama boka bale ba bangwe ba dirile, gomme bohle ba bona ba apere joko ya go swana. Gomme Modimo, ka mathomong, o tseba meboya yeo e tla dirago, le ke efe e ka se dirego. Ke lena bao. Diabolo yola o thantše kudu o tla no fora bona bakgethiwa, ge go kgonagala.

⁶⁴¹ Kafao meboya ye, barongwa ba bao ba rerilego, ba be ba le kgolegong; *barongwa*, ge le ka e hlokomela fa, ke “m” ye nnyane e lego “motho”, barongwa, barongwa fa mo lefaseng. Ba dirile sebe, gomme tsela e nnoši yeo ba kgonnego go dira sebe e tla ba gosedumele! Gomme tsela... Ba bile le bodumedi bja bona beng, gomme ga se ba dumela molaetša wa Noage. Ga se ba dumela molaetša wa Henoge. Gomme ba ganne Molaetša wa bona, “gomme ba tšwilwe,” Beibele e boletše ba dirile.

⁶⁴² Henoge o ba profetetše, o rile, “Morena o tla le bakgethwa ba Gagwe ba lesome la diketekete.”

⁶⁴³ Gomme ba profetile. Gomme Noage o agile areka, gomme ba rile, “Yena ke mopshikologimokgethwa! Yena ke lehlanya! Ga go selo se se bjalo bjalo ka pula e etla.” Gomme mengwaga ye lekgolo le masomepedi e ile pele, gomme o bile le bodumedi bjoo bo bilego le phološo ka go bjona, go bile le tsela ya go phonyokga e dirilwe, eupša ba be ba kgotsofetše ka seemong sa bona.

⁶⁴⁴ Ke ka tsela yeo go lego lehono, gore motho ba kgotsofetše ka seemong sa bona. Eupša go ne tsela ya go phonyokga, gomme tsela yeo e ka Jesu Kriste. Amene. Ke lena bao: mohlobo wa go swana, meboya ya go swana.

⁶⁴⁵ Gomme ka nneta ba be ba le monna wa bodumedi, bodumedi kudu, eupša ba phonnwe ke keno ya kgwerano.

⁶⁴⁶ Go bjalo le lehono. Motho o ya kerekeng, gomme o tšoena dikereke tše kgolo, gomme o leka go ba motho wa motsebalegi kudu ka toropongkgolo. Ge ba nyaka go tšoena kerekere, ba ne ye kgolokgolo ka toropongkgolo, ye kaonekaone le go naganwa gabotse ka toropongkgolo. Ba foša pitšo kgole gakaakang! Ba E foša kgole gakaakang!

⁶⁴⁷ Tsela e nnoši o ka tsogego wa tseba Jesu Kriste ke ka kutollo ya semoya, e sego ka thutamodimo le bontši gakaakang o ithutago Beibele. Ge eba o Mochristian Science, Momethodist, Hlatse ya Jehofa, goba e ka ba eng o lego; ga go kgathale se o lego, o ka se tsoge wa E tseba ka Lentšu, ke Moya wa Modimo woo o Mo utollago go wena. Ke kutollo ya semoya!

⁶⁴⁸ Ge Adama, ka serapeng sa Edene, le Efa, ge bana bale ba leleketswe ntle, Kaine šo o a tla ka thutamodimo e kaone. O rile, “Modimo o swanetše go tseba gore re dira se go tšwa bokaonekaoneng—bokaonekaoneng bja pelo ya ka. Ke tla ga aletara ye botse, ke tla bea matšoba go yona, ke tla bea dikenya go yona, ke tla e dira e bogege. Ka kgontha nka thabiša Modimo ka se le go Mo dira a tsebe gore ke hlokofetše ka pelong ya ka.” O be a nepile bokgole bjoo Lentšu le ilego; Modimo o nyakile thapelo, o ile go rapela. O dirile lefelo le lebotse go rapela go lona, ye kgolo, lepatlelo le lekaone (bjalo ka ge ba le bitša lehono). Gomme o e dirile gabotse, o e agile gabotse gomme o beile aletara go yona; o be a se moganamodimo.

⁶⁴⁹ Eupša Abele, godimo ga Lentšu la Modimo... Go be go se Beibele e ngwadilwego nako yeo, eupša Modimo o *utolotše* go yena gore e be e se kenywa yeo e re ntšhitšego ka serapeng sa Edene, e be e se diapola tše Adama le Efa ba di llego, e be e le ka nneta dilo tša thobalano tše di ba arogantšego le go ba aroganya. Gomme go tsebeng gore ba ba ba go hwa, gomme ka madi a Adama, le ka madi a sephente yeo e thomilego se, Abele, ka kutollo Kgethwa, o ile gomme o tšere kwana gomme o e neetše. Gomme Modimo o rile, “Yeo ke Yona!” Kgontha.

⁶⁵⁰ Ge ba fologa Thaba ya Phetogelo, Jesu o rile, “Motho o re Nna Morwa wa motho ke mang?”

⁶⁵¹ “Ba bangwe ba re O ‘Moshe,’ gomme ba bangwe ba re O ‘Eliase,’ gomme ba bangwe ba re O ‘Jeremia,’ gomme ba bangwe ba re O ‘Mopropfeta yola.’”

⁶⁵² O rile, “Eupša lena le re Nna ke Mang?”

⁶⁵³ Petro o rile, “Wena o Kriste, Morwa wa Modimo yo a phelago.”

⁶⁵⁴ O rile, “O wa lehlogenolo wena, Simone morwa Jona, gobane nama le madi ga se tša go utolle se.” (Šetšang!) “E sego gape ka leletere, e sego gape ka sekolo; ga se o tsoge wa ithuta yona ka seminaring, ešita ga go yo mongwe a kilego a go botša. Nama le madi ga se tša go utolle se, eupša Tate wa Ka yo a lego Legodimong o e utolotše go wena. Gomme godimo ga leswika le Ke tla aga Kereke ya Ka, gomme dikgoro tša hele di ka se fenyé kgahlanong le Yona.” Ke lena bao. Kereke ya Modimo yo a phelago šeo. Yeo ke yona. Godimo ga kereke yeo . . . Godimo ga *kutollo* yeo, Kereke ye e agilwe. Ke kutollo Kgethwa yeo Modimo a e utolotšego, gore Jesu Kriste ke Morwa wa Modimo, gomme o swanetše go Mo amogela bjalo ka Mophološi wa gago wa sebele, o tshetše lehung go ya Bophelong.

⁶⁵⁵ Gomme Moya wo Mokgethwa o a sepela le go dira ka go maloko a Mmele wo. Kereke šeo! Ga go kgathale ge eba e diila, gomme e le ka mišeneng, gomme o ema ntle ka tlase ga mohlare wa phaene felotsoko, goba e ka ba eng e lego, ge eba ke ka ntlong ka kopanong ya sephiri, ga go kgathale moo e ka bago. Bobotse le dilo ga di goketše Modimo. Ke bohломоги bja pelo ka kutollo gore Jesu Kriste o hlagišitše bjalo ka Morwa wa Modimo, Mophološi wa rena wa sebele. Amene!

⁶⁵⁶ Nna, rena . . . ga le tsoge la hwetsa tše, go ya go kgabola ka mokgwa woo, a re tla?

⁶⁵⁷ Go na le bona bao . . . godimo fale bao A ilego; barongwa: batseta, bona bareri, bona dihlalefi, bona batseta bao ba sa dumelago ge Noage a ile go rera go bona gomme a ba boditše, “Gobaneng, tsenang ka arekeng ye.”

⁶⁵⁸ Ba rile, “Theetšang mopshikologimokgethwa yo. Theetšang lehlanya leo. Gobaneng, ga go na pula. Ke mang a kilego a kwa ka selo se sebjalo? Gobaneng, nna, a ga re na dikereke? A ga re babodumedi?” Gobaneng, ba be ba le babodumedi!

⁶⁵⁹ Jesu o rile e tla ba moloko woo o sa tšogo feta, go tla ba moloko woo o tla bušeletsago gape feela pele ga go Tla ga Gagwe, “Bjalo ka ge go bile ka matšatšing a Noage, go tla ba bjalo ka go tleng ga Morwa wa motho. Gobane ba be ba ejá, ba enwa, ba nyala, ba neela lenyalong.” Ba bile le Reno, Nevada nako yeo, felotsoko. Ba bile le mehuta yohle ya ditšiebadimo tšebo ba nago tšona lehono; ba kgobokana, ba ithabiša, le go dira metlae,

bakweri le go ya pele; ba ne sebopego sa bomodimo, eupša ba gana Therešo ya kgonthe: kgwerano, Molaetša wa mogau. Modimo a dira tsela ya Gagwe, le go fa batho kgwerano ya Gagwe—ya Gagwe, ka fao ba ka phonyokgago; E bile le phološo ka go yona, phološo e be e le lefelo la go phonyokgela.

⁶⁶⁰ “Re hloka eng ka phološo?” Batho lehono ba re, “A ga re phele ka tlase ga mmušo wo mobotse wa temokrasi? Re hloka eng?”

⁶⁶¹ Ga ke kgathale re phela ka go sebopego sa mmušo wa temokrasi bontši gakaakang, re hloka Madi a Jesu Kriste. Thwi! Re hloka Kriste. Ke thabela sebopego sa temokrasi sa mmušo; seo ga se ne selo go, dira le phološo ya soulo. Ka nnete! Mebušo yeo e tla feta, le setšhaba se sengwe le se sengwe se tla feta. Gomme ke eme hleng le . . . moo bofarao ba emego, gomme o swanelo go epa dikgato tše masomepedi ka tlase ga mobu go hwetša diterone tša bona moo ba di beilego. Bofarao bohole le mebušo ya gagwe ya lefase le, le dilo tšohle tša yona tša go fokola di tla palelwa le go timelela, eupša Jehofa o tla rena neng le neng, gobane ke Yena Modimo wa go se hwe. Ka go kgwahla godimo ga Leswika Kriste Jesu re a ema, gobane mafelo ohle a mangwe ke kwenamohlaba.

⁶⁶² Kgathale ge eba ke . . . mebušo e tla tsoga le go palelwa, eupša oo, ga go selo . . . Ga ke kgathale ge eba e . . . e ka ba eng; ga go selo sa bjale, ga go selo ka moso, ga go selo (ditlala le dinkhu le e ka ba eng) di ka tsogego tša re aroganyo go tloga go lerato lela la Modimo leo le lego ka go Kriste. Ge motho a tswetšwe ka Moya wa Modimo, ke sebopša e sa hlwego e le sa nako, eupša sebopša sa Bokagosafelego. Amene. O tshetše lehung go ya Bophelong. O tshetše . . . O tshetše go kgabola elemente ya nako, go ya ka go Bokagosafelego. A ka se tsoge a senyega! Gomme Modimo o enne gore O tla mo tsoša mo matšatšing a mafelelo.

⁶⁶³ Kafao ba ka ba le dikereke tše kgolo tšohle tša lena, le boipshino bjhole bjo bogolo bja lena, le tšohle le di dumago, le go bolela metlae ya ditšhila le go ba le dipapadi tša lena tša Panko, le dilalelo tša sopo le se sengwe le se sengwe gape seo le se nyakago; le go ba le moreri tsoko wa go rutega a eme fale. Mohlomongwe a ka dira mošomo wo mokaone go yona go phala ba bangwe ba bašemane ba bannyane ba ba kgale ba sa tsebego boABC ba bona. Eupša ke le botša therešo, bokaone ke be le mošemane a sa tsebe boABC ba gagwe a ntherela (yoo a tsebilego Kriste) go phala baithutamodimo bohole ba bagolo ba lego gona ka dithuto tšohle tša gago go ka naganwago ka tšona. Ka nnete!

⁶⁶⁴ Tlase fa ka Kentucky, e se kgale kudu, mošemane yo monnyane wa kgale yoo ebile a sa kgonago go bala leina la gagwe mong, o rile Morena o mmiditše go rera gomme o nyakile ntlosekolo. Gobaneng, balaodi ga se ba mo dumelela go ba le yona. Moreri tsoko yo mogolo gagolo a tla fale ka seswaro go leina la gagwe ka mokgwa *woo*, ngaka ya bokgethwa tsoko ye kgolo, gobaneng, ba mo dumelše go ba le sekolo. Kgonthe. O

swere tsošeletšo ya beke tše pedi, ga go soulo le e tee. Gomme tatagwe o ile morago, o rile, "Bjale mo dumelele a be le yona, ke nna molefelamotšhelo, ke ne tokelo go mošemane wa ka go ba le yona. Gomme mošemane wa ka o swanetše go ba le yona le yena."

⁶⁶⁵ Kafao o ile morago go hwetša, le go ba kgopela, ba rile, "Gabotse, re tla mo dumelala a be le yona bonnyane mašego a mabedi." Gomme ba ile pele gomme ba mo dumelatše go ba le yona mašego a mabedi.

⁶⁶⁶ Gomme bošegong bjoo mošemane yola yo monnyane wa kgale o fihlile godimo fale gomme ebile ga se a kgone go bala Beibele, o bile le yo mongwe go bala sehlogo sa gagwe. Eupša ge a sepeletše sefaleng, o be a tloditšwe ka Moya wo Mokgethwa. Gomme ge a rerile, e ka ba masomepedi ba tla aletareng; gomme moreri yola wa setaele sa maitirelo o llile tsela ya gagwe go kgabola go ya Khalibari, mo aletareng.

⁶⁶⁷ Kgonthé, ngwanešu, ga se—ga se se o se tsebago, ke o tseba Mang. Yeo ke kgopolو, ke seo go se tšeago, go tšeago go tseba Kriste. Go tseba Yena, ke Bophelo; go gana Yena, ke lehu.

⁶⁶⁸ Ka pela go potšišo ye nngwe ya rená, dipotšišo bjale tše di yago tlase Georgia:

67. Ke eng matlapa ka go... emela ka go Kutollo 21:19 le 20?

⁶⁶⁹ Ge le duma go tšeа nako go bula Dibeibele tša lena, ye re se nago nako ye ntši kudu bjale, eupša ke tla leka go di araba ka pela. Kutollo masomepedi... Ke a dumela ke 21:19 le 20. Ee.

⁶⁷⁰ Go lokile, ka fale le tla hwetša gore o be a bolela ka matlapa ao a bego a le ka moagong. Gomme matlapa e be e le metheo. Ge le ka lemoga... Ke a dumela o ne yona fao, Ngwanešu Neville. Gomme letlapa le lengwe le le lengwe e be e le motheo. E sego letlapa le tee motheo, gomme a mangwe... Eupša letlapa le lengwe le le lengwe le be le le motheo. Letlapa le lengwe le le lengwe e be e le motheo wa ka mehla. Gomme go be go le maswika a lesomepedi. Gomme ge le ka hlokomela matlapa ale, go fa le lengwe le le lengwe... La pele go thoma ka jaspere, le sadiase, le go ya pele ka mokgwa woo, go emela letlapa le lengwe le lengwe.

⁶⁷¹ Ka Beibeleng fale le tla hwetša le be le bitšwa matlapa a rilego. A mangwe a ona phapano ye nnyane, ga se nke la ke la kwa ka yona. Ge le ka lebelela morago ka go pukuntšu le hwetša ke letlapa la go swana, feela leina la go fapano; le fetotšwe.

⁶⁷² Eupša go thoma ka—ka jasepere. Jasepere e be e le letlapa la—la Benyamini, goba, letlapa la... oo, morwa wa mathomo, Rubene. Letlapa la mathomo e be e le Rubene, e bego e le jasepere. Letlapa la mafelelo e be e le Benyamini, letlapa la mafelelo ka godimo.

⁶⁷³ Bjale, matlapa a lesomepedi a ao metheo e bego e beilwe godimo ga ona, ona—ona matlapa a lesomepedi a lekeletše go sephemafega sa Arone. Gomme a—a emetše, o be a le moprista mogolo wa meloko ye—ye. Le lengwe le le lengwe la matlapatswalo a bona ka fa, ka go poleiti ye—ye. Gomme ge batho ba bone poleiti ye, ba lemogile gore Arone o be a le moprista wa moloko ka moka, ge ba bone letlapatswalo ka poleiting ye.

⁶⁷⁴ Bjale, ge re hweditše ye molaetšeng wa Ngwanešu Neville mosong wo. Gomme boka makga a mantši ba tlišitše Urim Thummim. Le e bona e boletšwe ka Beibeleng bjalo ka tsela ye ba tsebilego ge eba molaetša wa bona e be e le Therešo goba aowa. Matlapa ale, ge ba be ba eya go bolela se motho a se boletšego, Moprefeta o profetile, gomme matlapa ale ohle a bonagaditše mmogo. Go dirile sekgobotho sa dietša tše di tšerego safira, le jaspere, le khabokele, le ohle ale matlapa a mangwe a bonagatša seetša sa ona, go dirile mmala o tee o mogolo bogolo wo mobotse wa molalatladi woo o hlakantšhitšego selo ka moka mmogo.

⁶⁷⁵ Bjale, bjale, lehono, ge Urim Thummim yela e tlošitšwe le boprista bjola, bjale Beibele ye ke Urim Thummim ya Modimo lehono. Gomme ge moreri a rera, ga gwa swanela go no ba lefelo le tee le lennyane fa, gomme seo ke sohle a beago dikholofelo tša gagwe godimo ga sona; e swanetše go ba Beibele ka moka e bonagatša molaetša woo monna a o rerago. Seo ke selo. E se no ba lefelo le tee, gomme a re, “Gabotse, Beibele e a se bolela.” Oo, kgonthé, e bolela bontši bja dilo. Eupša o swanetše go e dira yohle go bewa mmogo. Gomme ge Moya wa Modimo o etla le go tsena ka go le—le Lentšu, Le e bea yohle mmogo le go bonagatša Seetša se tee se segolo bogolo, gomme Seetša seo ke Jesu Kriste. Amene.

⁶⁷⁶ Bjale, matlapa a lesomepedi a e be e le metheo ye lesomepedi yeo e thomilego go Rubene, le Gada, le go theogela go Benyamini; meloko ye lesomepedi, matlapa a lesomepedi. Gomme matlapa ale ka Tempeleng, ka go Jerusalema ye mpsha ya Legodimong, motheo wo mongwe le wo mongwe o tla bewa godimo ga yo mongwe wa bapatriaka.

⁶⁷⁷ Bjale šetšang, le lemoga matlapa, bjale le ya go šetša bona bapatriaka ba bonagaditšwe thwi ka go se sengwe gape, feela ka go potšišo ye nngwe.

68. Hlaloša—hlaloša tša bone . . . dibata tše nne tša Kutollo 5.

⁶⁷⁸ Ngwanešu Neville, ge eba o swere yeo kgauswi thwi fao, goba yo mongwe wa lena, ya Kutollo 5, re tla bala ye feela lebaka la motsotsso. Ke—ke seswantšho se sebotse fa sa . . . Fa, ke e swere nnamong, Kutollo tema ya 5:

Gomme ke bone ka seatleng se setona sa yena yoo a dutšego godimo ga—godimo ga terone puku e ngwadilwe

ka gare le ka ntle le—le—le ka mathoko, e hunetšwe ka mahuto a šupago.

Gomme nna . . .

⁶⁷⁹ Bjale, leo ga se lefelo. Ke nyaka go no ya pejana gannyane, dibata tše nnete. A re boneng, temana ya 14. Go lokile, mohlomphegi. Bjale re ya fa, yeo ke nnete. Bjale a re thomeng godimo fa go—go temana ya 12, aowa, ke a thanka . . . “Gomme dibata tše nne di rile, ‘Amene.’” Aowa, go ne lefelo le lennyane ka morago ga leo, Ngwanešu Neville. “Bonang, ke kwele segalontšu . . .”

⁶⁸⁰ A re boneng, feela motsotso, ke be ke e bala nakwana ya go feta. Oo, ke rena ba, a re thomeng go temana ya 6. Temana ya 5:

Gomme yo mongwe wa bagolo o rile go nna, Se lle: bona, Tau ya leloko la Juda, Modu wa Dafida, e fentše go bula puku, le go bofolla . . . mahuto a yona.

Gomme ke lebeletše, gomme, . . . ka magareng ga terone le . . . dibata tše nne, le, ka magareng ga bagolo, go eme Kwana e ke, e hlabilwe, e na le dihlogo le mahlo a šupago, e lego Meboya ye šupago . . . e rometšwego pele go tšwa . . . go ya lefaseng.

⁶⁸¹ Ke nyaka le sware potšišo yeo, gomme ge nka se e sware tlase fa mo motsotsong, ke nyaka le buše morago gape, ke nyaka go mekana go yeo, “Meboya ye e šupago ya mahlo a šupago ao a bego a le go Kwana.” Oo, seo ke selo se sebotse ka kgonthe. (Gabotse, re nyaka go fihlelela potšišo ya ngwanešu yo bjale.) Go lokile, le se lebaleng seo bjale.

Gomme o ttile gomme o tšere puku go tšwa seatleng se setona sa yena yoo a dutšego godimo ga terone.

Gomme ge a e tšere, dibata tše nne le ba bagolo ba masomepedi nne ba wetše pele ga kwana, . . . yo mongwe le yo mongwe wa bona a swere diharepa, . . .

⁶⁸² Bjale, tšeо ke di—di tše nne—dibata tše nne fa, ge le ka hlokomela. Bjale a re yeng pele gomme re bale feela pejana gannyane:

. . . diharepa tša gauta, . . . di tletše ka meruswi le diorelo, . . . le dithapelo tša bakgethwa.

Gomme ba opetše koša ye mpsha, . . . Wena o swanetše . . . (gomme ba ile pele le go dira ya bona . . . thapelo ya bona yohle go Morena)

⁶⁸³ Bjale, dibata tše nne tše tša Kutollo, ge le ka di hlokomela, lefelo le lengwe le le lengwe . . . (Lena babadi ba Beibe, le monna yo a yago go theetše kgatišo ya theipi ye). Dibata tše nne tšela, di bile le difahlego tše nne: se tee se bile le sefahlego boka motho, se sengwe se bile le sefahlego boka pholo, gomme se sengwe sefahlego se be se le boka ntšhu, gomme se sengwe

sefahlego se be se le boka tau. Gomme ga sa nke tša ke tša ya morago, di be di sa kgone go ya morago.

⁶⁸⁴ Ke ba bakae ba elelwago puku ya kgale ya Kutollo ge ba e rutile mengwaga ya go feta, ge ke tšere e ka ba mengwaga ye mebedi fa go Puku ya Kutollo? Boatibja batala bo a dira.

⁶⁸⁵ Lebelelang, di be di sa kgone go ya morago, gobane tsela ye nngwe le ye nngwe di ilego di be di eya pele. Ge eba di ile ka tsela *ye*, di be di eya boka motho; ge eba di be eya ka tsela *ye*, di be di eya boka tau; di ile ka tsela *ye*, di be di eya boka ntšu; ge eba di ile ka tsela *ye*, di be di eya boka poo. Le a bona, di be di sa kgone go ya morago, di be di eya pele ka nako tšohle.

⁶⁸⁶ Bjale dibata tšela tše nne. Bjale ka pela go hwetša se, gobane ga ke nyake go dula botelele kudu go ye. Eupša dibata tše nne . . . *Sebata*, ka Beibeleng, se emela “maatla.” Gomme le a lemoga dibata tše di be di se ntle mošola ka letsheng goba ka lewatleng felotsoko di rotoga, eupša di be di le mo Teroneng ya Modimo, gomme di be di tumiša Modimo. Dibata tšela tše nne di ra maatla a mane ao a rotogago go tšwa lefaseng, gomme maatla ale a mane e be e le Diebangedi tše nne: Mateo, Mareka, Luka, le Johane; e tee ga e thulane le ye nngwe.

⁶⁸⁷ Gomme e tee ya tšona, e . . . Ge Ebangedi e eya pele boka tau, e tiile, e ne sebete; Ebangedi e ne sebete boka tau, gomme ke kgoši boka tau. Ge e eya go lebanya sefahlego sa motho, e bohlale le bohlajana boka motho. Ge e eya ntšu, e na le diphego tša lebelo le mabogodimo a godimo. E . . . Le bona se ke se rago? Ge e eya boka poo, ke modiro wa pere yeo e kgonago go goga, modiro wa poo yeo e gogago mo—mo—mo morwalo wa Ebangedi. Dibata tše nne e be e le maatla a mane, e bego e le: Mateo, Mareka, Luka, le Johane; Diebangedi tše nne tše di boletšego Bogona bja Modimo. Tše di be e le . . .

⁶⁸⁸ Ge eba le hlokometše, di bile le mahlo ka pele le ka morago. Di—di . . . Mogohle e ilego, e bonagaditše. Di bone mogohle di bego di eya. Gomme ao ke maatla a Diebangedi ge a eya ntle, e kgonago . . . E ne bohlajana bja motho; e ne lebelo la ntšhu; e ne ma—ma—ma—ma maatla, maatla a go goga, morwalamorwalo boka poo; e ne go—go tia le sebete sa tau. Le a bona, ke Diebangedi tše nne, e lego maatla a mane a Kutollo, tema ya 4.

Go lokile, bjale ya go latela:

69. Bagolo ba masomepedi nne ke bomang? Go lokile, ke a dumela yeo e tla ba go te—te . . . **Bagolo ba masomepedi nne ke bomang?**

⁶⁸⁹ Bjale yeo e no ba bonolo, re ka ya go yona. Bagolo ba masomepedi nne ba be ba dutše pele ga Terone. Yeo e ka go . . . Ke a dumela e ka go temana ya 4, ke moo e hwetšwago. “Gomme go tšwile se sengwe . . .” Ke fihlile go . . . A re boneng, ke ne . . . 4:10.

⁶⁹⁰ Go lokile, Kutollo, tema ya 4, gomme temana ya 10. Yeo ke nnete. Re tla fihla go yona.

Gomme *bagolo ba masomepedi nne* ba wetše *fase pele ga yena yoo a dutšego godimo ga terone*, gomme ba khunametše *yena yoo a phelago go ya go ile le go ya go ile*, gomme ba *lahletše mefapahlogo ya bona pele ga terone ba re*,

Wena o swanetše, O Morena, go amogela letago le tlhompho le maatla: gobane o hlotše dilo tšohle, gomme bakeng sa thato ya gago di gona gomme di hlotšwe.

⁶⁹¹ Bjale bagolo ba masomepedi nne. Mogolo ke mookamedi. Bjale hlokamelang, ba be ba le bapatriaka ba lesomepedi le baapostola ba lesomepedi. Gomme ba be ba dutše, lesomepedi ka lehlakoreng le tee le lesomepedi ka go le lengwe. Ba be ba le bagolo ba masomepedi nne, e bego e le bapatriaka ba lesomepedi ka lehlakoreng le tee, Testamente ya Kgale; baapostola ba lesomepedi ka lehlakoreng le lengwe, ba Testamente ye Mpsha. A Jesu ga se a re, “Le tla dula diteroneng tše lesomepedi, le ahloela meloko ye lesomepedi ya Israele”?

⁶⁹² Bjale, metheo. Lebelelang, ebile go ne mohlare ka fale. Gomme mohlare go lehlakore le le lela o enywa mehuta ye lesomepedi ya kenywa. Gomme e tšweletša kenywa ya yona gatee ka kgwedi, e lego dikgwedi tše lesomepedi ka ngwaga. E hlagiša mehuta ye lesomepedi ya kenywa ngwaga wo mongwe le wo mongwe ge e eya. *Lesomepedi*, ka nomorong ya “thapelo”, le a bona. Gomme go ne masomepedi nne, go tla ba masomepedi nne, baapostola ba lesomepedi le bapatriaka ba lesomepedi. Ba dutše mo Teroneng.

⁶⁹³ Go lokile, bjale temana ya 4, goba, potšišo ya bone:

70. Lešela le lehubedu ka go Genesi 38 le emetše eng?

⁶⁹⁴ Lešela le lehubedu, ge le ka hlokomba, e be e le Juda. Gomme o bile le barwa, gomme yo mongwe wa barwa ba gagwe o nyetše mosadi wa Mokanana. Gomme mosadi yo wa Mokanana ga se a be le ngwana e ka ba ofe, gomme morwa wa gagwe a hwa. Gona, molao nako yeo e be e le go tše... morwa wa go latela o ile a swanela go tše mosadimogatša wa ngwanabó, le go tsoša peu go mohu. Gomme monna yo mongwe ga se a ba le tirišano le go dira boka a swanetše go dira, gomme Morena o mmolaile. Gona o bile le morwa o tee yo mofsa; kafao Juda o rile, “Leta go fihla morwa yo a otlela... a gola go fihlela lefelong moo o ka go mo nyala.”

⁶⁹⁵ Gomme ge a godile go lefelo leo a swanetše go nyala mosadimogatša wa go feta wa banababo ba babedi, gabotse, o be a swanetše go mo tše nako yeo, go tsošetša banabo peu bao ba bego ba... bao ba hwilego pele ga gagwe. Juda ga se a fe mosadi (mosadi wa Mokanana) morwa, mošemane, gomme a no mo lesa a eya pele. Kafao o bone gore o be a dira phošo, kafao o ya ntle le go

tata lešira godimo ga sefahlego sa gagwe, gomme a dula lefelong la phatlalatša boka sehlephišantepa a ka dula.

⁶⁹⁶ Juda a batamela gomme o tšere mosadi bjalo ka mosadimogatša wa gagwe, gomme o be a le sehlephišantepa, gomme o phetše le yena. Gomme o rile, o rile, “Gabotse, ke eng o tla go mpha yona?” Gomme yena . . . o rile . . .

⁶⁹⁷ O rile, “Ke mo fa pu—pu putšane.” O rile, “Gabotse, mphe sekä gore o tla e dira.” Kafao o tšere lepara la gagwe le palamonwana le go ya pele, gomme o di bolokile.

⁶⁹⁸ Gomme ge ba tlišitše putšane, ga se ba hwetše sehlephišantepa, gobane o be a se sehlephišantepa.

⁶⁹⁹ Morago ga nakwana, o bontšhitše gore o be a eya go ba mme. Gomme ge a bontšhitše gore o be a eya go ba mme, ba tlide ba boditše Juda, “Ngwetši ya gago o bapetše karolo ya sehlephišantepa.” Ba rile, “Ka lebaka la gore o—o ya go ba mme, gomme bašemane ba gago bobedi ba hwile.”

⁷⁰⁰ O rile, “Gabotse, o tla biletšwa pele, gomme le mo tšhume.”

⁷⁰¹ Gomme kafao o rometše lentšu go Juda, gomme o rile, “Monna yoo a dirilego se, ke mong wa lepara le le palamonwana ye.” Go lokile, yoo e be e le ratswalagwe.

⁷⁰² Gomme o rile, “O lokile kudu go mphala.”

⁷⁰³ Bjale, ge a tsebile gore bana ba gagwe ba tla belegwa, ba be ba le mafahla. Gomme ge lefahla . . . Lesea la mathomo leo le bego le tla tswalwa, motlxae wa kgale wa Sejuda, leitšibolo le ne tokelotswalo, leitšibolo go phuleletša. Gomme yoo, elelwang, e be e leitšibolo la gagwe. Ga a gona wa bašemane ka moka a bilego le bana ba fe le yena. Ga sa nke a ke a ba le ngwana go fihla nako ye.

⁷⁰⁴ Gomme ge leitšibolo le tšweletše, e be e no ba seatla. Gomme mmelegiši o beile lešela le lehubedu go se raretša, gobane lešela le lehubedu le boletše ka topollo, gore morwa wa mathomo wa kgarebe Maria o tla ba . . . ba le lešela le lehubedu la topollo.

⁷⁰⁵ Gomme ge a gogetše seatla sa gagwe morago, yola yo mongwe o tla pele. Gomme ge a dirile, o rile, “Gobaneng o dirile se? Yola yo mongwe o ne tokelotswalo.”

⁷⁰⁶ Kafao seo ke se Genesi 38 e se rago, le a bona. Gore leitšibolo le sa le go fihla go tleng ga Morena Jesu Kriste. Gore wa pele o be a le ka tlase ga molao wa topollo.

⁷⁰⁷ Le a tseba ke rile . . . moula wo monnyane, le a tseba, ke boletše ka ona, gore mahlo a gagwe a be . . . e ka ba eng gape, ditsebe tša gagwe di hlephile, eupša, ge a be a tswetšwe ka tokelotswalo, ya go hloka molato, kwana ye e phethagetšego e hwile legatong la gagwe. Yona šeo.

⁷⁰⁸ Kafao seo e be e le bakeng sa tokelotswalo. Lesea la mathomo leo le phuleleditše go tšwa go mme, gomme ba bone seatla sela

(gomme ba tsebile gore se ka no boela morago gape). Gomme ge a kgoromeleditše seatla sa gagwe pele go bontšha gore o bile le yona, o be a le wa mathomo, mmelegiši o tlemile lešela le lehubedu go se rararetša gomme o gogetše seatla sa gagwe morago. Le a bona? Eupša, ka nnete, o be a le wa pele. Leo e be e be a le lešela le lehubedu, lešela le lehubedu le... tsela yohle go kgabola Beibele, le ra topollo; e bego e šupetša pele go leitšibolo le le tlago.

⁷⁰⁹ Pere ya pele e tswetšwego, kgomo ya pele e tswetšwego, e ka ba eng e bego e le, se sengwe le se sengwe seo se tswetšwego pele (seo se tlago pele) se be se le ka tlase ga topollo, se be se swanetše go lopollwa; se sengwe le se sengwe se be se swanetše go lopollwa! Haleluya! Oo, seo se no ntsikinya. A le a e hwetša? *Wa pele* o be a swanetše go lopollwa. E be e le molao. A go šegofatšwe Leina la Morena!

⁷¹⁰ Gomme ge Jesu Kriste a tswetšwe, O lopolotše lefase ka moka. Ka nnete, O dirile. O be a le Molopolodi wa sebopša se sengwe le se sengwe seo se kilego sa ke sa hlolwa mo lefaseng. O be a le Molopolodi. Gomme go...topollo yohle e letše go Yena, gomme ga go tsela ye nngwe gape le gatee o ka tsogego wa tla ka mediro ye mebotse, ka go tšoena kereke, goba e ka ba eng e lego; o swanetše go tla ka lešela le lehubedu, Molopolodi yola, Molopolodi yona wa leloko.

Go lokile, bjale ya go latela ke:

71. **Di kae dimpho...Ke eng dimpho go romelwa mabapi le lehu la dihlatse tše pedi tša Kutollo 11?**

Oo, Ngwanešu Palmer, ge o ka se botšiše dipotsišo tše dingwe!

⁷¹¹ Bjale, topollo, mašela a fa, lešela le lehubedu, re bone le rile topollo.

⁷¹² Bjale potšišo ya go latela ke:

Ke eng dimpho ka go Kutollo 11?

⁷¹³ Go tla nako...Bjale fa go ya go araba potšišo yeo e arabilwego bošego bjo bongwe, yeo moreri mogwera wa ka a e ngwadilego ka ga Bajuda, ka fao e tla bago.

⁷¹⁴ Bjale Bajuda ba ba ne mengwaga ye meraro le seripa e tshepišitše go bona. Ke ba bakae ba tsebago seo? Dibeke tše masomešupa di tshepišitše. O rile, "Mesia o tla tla gomme a ripša mo magareng." Mengwaga ye meraro le seripa Kriste o rerile, o bolailwe tlwa mo mengwageng ye meraro le seripa, mengwaga ye meraro le dikgwedi tše tshela O rerile.

⁷¹⁵ Gomme morago makgapha a tšhwatalano, mo—mo moslem wa Omar o beilwe godimo ga Lefelo le Lekgethwa; boka Modimo a boletše, mengwaga ye makgolo a masomepedi tlhano pele go direga, o tla be o eme fale. Mopropeta o o bone, gomme o o bone,

gomme o rile, "Ba tla . . . Bantle ba tla laola fale go fihlela lebaka la Bantle le tla fedišwa."

⁷¹⁶ Bjale go sa ne mengwaga ye meraro le seripa e tshepištswego. Ge le ka hlokomela, dihlatse tše tša Kutollo 11 di profeta, matšatši a makgolo a mabedi le masometshela; tlwa mengwaga ye meraro le seripa. Bjale . . . gomme ba be ba le ka go mankgeretla. Bjale, šetšang bodiredi bja bona, se ba lego. Bjale, dihlatse tše pedi tše di bolailwe.

⁷¹⁷ Bjale, ba . . . Ba boetše go Bajuda ka morago ga Tlhatlogo ya Kereke ya Bantle. Kereke ya Bantle e ya Gae bakeng sa Monyanya wa Selalelo, gomme boka Rebeka a išitšwe ka lefelong la Abraham le Isaka gomme ba nyalane fao. Gomme Rebeka le Isaka ba tla ka borui bja go tlala bja se sengwe le se sengwe seo Abraham a bilego le sona, yohle e ile go Isaka. Ka nnete! Gomme e be e ka se tle go Isaka go fihlela pele Isaka a nyetše. Oo Haleluya! Ke lena bao.

⁷¹⁸ Gomme Kriste o ba . . . Modimo o dula ka go wola wa go phethagala, mmele wa go kobofatšwa ka go felela neng le neng le go kgabola Bokagosafelego. Ge Kwana le Monyalwa ba nyetše ka Legodimong, o sepelela ntle ka borui bja go felela. Ka nnete! Isaka le Rebeka ba tla pele ka borui bja go felela.

⁷¹⁹ Gomme ge mokete wo o kgatlampana ka Legodimong, wa Monyalwa, Monyalwa wa Montle a nyalwa ke Mokgoma (Morwa wa Modimo), ka Letagong; ge ba sa nyadišwa, go ne mengwaga ye meraro le seripa yeo e diragalago ge . . . Moshe le Eliya . . .

⁷²⁰ E lego, Moshe ga se a tsoge a se be gona . . . aowa, mmele wa gagwe o rwelwe. Barongwa ba mo tšere, ga se a hwa, ga se a bola. O be a le sekai sa go phethagala sa Kriste. O hwile gomme Barongwa ba mo kukile, gomme ebile le diabolo ebile ga a tsebe moo a boloketšwego, gomme o lekile go ngangišana le Mikaele Morongwamogolo ka ga poloko ya gagwe. Seo ke se Beibele e se boletšego. Modimo o mo rotošitše ka Tlhatlogo.

⁷²¹ Gomme Eliya, ge a be a sepela fale, moprofeta wa Modimo, o sepeletše tlase Jorodane, o apotše kobo ya gagwe gomme o bethile meetse, gomme a arogane ka go le letona le le letshadi. O sepets'e go rotoga thaba. Elisa o rile . . . O rile, "O ntšaletšeng morago?"

⁷²² O rile, "Ke nyaka kabelo gabedi ya Moya wa gago."

⁷²³ O rile, "O kgopetše selo se boima, eupša ge o ka mpona ge ke sepela." O bolokile mahlo a gagwe go yena.

⁷²⁴ Gomme morago ga nakwana, go theoga go tšwa Legodimong go tla koloi ya mollo le Barongwa ba mollo, dipere tša mollo, gomme Eliya o tepogetše pele gomme o rotogetše Letagong. Ga se a tsoge a latswa lehu, o fetošeditšwe, o swanetše go hwa!

⁷²⁵ Gomme ge le ka šetša baprofeta ba babedi ba ba Kutollo 11, ba dira sona selo sa go swana seo Moshe le Eliya ba se dirilego.

O re, “Ngwanešu Branham, o ra go mpotša gore Eliya le Moshe ba sa phela?” Ka nnete!

⁷²⁶ Gobaneng, pele ga Thaba ya Phetogelo . . . Kua go Thaba ya Phetogelo, pele Jesu a ile Khalibari, bobedi Moshe le Eliya ba eme fale ba eme fale ba bolela le Yena. Ka kgonthe, ba dirile, ga se ba hwa. Gomme ga se ba tsoge ba hwa; ke ba go hwa, ba swanetše go hwa. Kafao ba no ba ka seemong sa letago ba letile nako yeo.

⁷²⁷ Gomme gona ge ba etla morago le go rera tlwa mengwaga ye meraro le seripa ka tlase ga tlotšo ya Kolobetšo ya Moya wo Mokgethwa, mola ditšhegofatšo di tlošwa go Bantle (gomme Kereke e a rotošwa); gomme ya go tonya, kereke ye fomale e tsongwa boka dimpša, ke mokomonisi le phathi ya Roma, gomme ge ba tsongwa gomme ba bolaiwa. Ba—ba a bolawa nako yeo; baprofeta ba ba rera mengwaga ye meraro le seripa, gomme Beibele e boletše gore ba bolailwe ka go wo mogolo . . . mo mokgotheng, o bitšwa ka semoya, Sodoma le Egepeta, moo Morena wa rena a bapotšwego. Yeo ke morago ka Jerusalema; le a bona, morago ka Jerusalema, e bitšwago semoyeng.

⁷²⁸ Gomme ba letše mo mokgotheng lebaka la matšatši le mašego a mararo. Gomme morago ka morago ga bofelo bja matšatši a mararo le seripa, moya wa bophelo o tla ka go bona gomme ba tsogile. Ba be ba swanetše go hwa boka ba bangwe ba hwago, ba be ba swanetše go e dira. Gomme ge ba bolaile bareri ba babedi ba . . .

⁷²⁹ Ba rerile kgahlanong le phošo, gomme ba tlišitše mollo go tšwa legodimong. Ke mang yo a dirilego seo? Le a bona? Ba tlišitše dikotlo go tšwa legodimong, gomme ba otlide lefase ka pela . . . gomme ka nako efe ba nyakilego. Gomme ba tlišitše mollo go tšwa legodimong. Gomme ba emišitše magodimo go neša pula, ge feela ba nyakile. Yoo e be e le mang? Tlwa Moshe le Eliya. Gomme šebao bona dihlatsi tše pedi.

⁷³⁰ Gomme ge ba tlaišitše kereke, goba lefase, ka theroy a bona; le go amogeleng morago Bajuda, le go ba tlišeng morago tshokologong, go ba tlišeng morago go dumeleng go . . . Ge ba bona Jesu a tlela Monyalwa, ba tla re, “Bonang, yo ke Modimo wa rena. Yo re mo letetšego. Yoo ke Yena!” Eupša ga A tlele bona; O tlela Monyalwa wa Gagwe. Gomme Monyalwa wa Gagwe . . .

⁷³¹ Ge Josefa a ile ka Egepeta, ga se a ye le banababo, eupša o hweditše monyalwa wa gagwe kua. Ka nnete! Eupša ge a itirile go tsebjia go banababo, go be go se motho a lego gona. Yeo ke nnete tlwa. Gomme ge A itira go tsebjia Yenamong go Bajuda ba, go ka se be motho fale eupša Bajuda. Bona šebale ba ba bolailego Josefa, ba eme fale; gomme o rile, “Gabotse, ke nna Josefa, ngwanabolena.” Gomme o llile.

⁷³² Gomme ba rile, “Bjale re a tseba re mathateng, gobane re mmolaile.”

⁷³³ Selo sa go swana, Bajuda bale ba tla ba le nako yela ye kgolo ya bothata feela pele ga go tla bjale, ya tlhomaro go ba hlohloisetša morago ka go nagalegae. Ka go ba puputla boka mohlape wa dinku morago go Thaba ya Karamele mošola.

⁷³⁴ Ge Morena Jesu a tla tlela Monyalwa wa Gagwe, gomme ba tla Mmona, ba tla re, "Yola ke Yena re mo letilego, šole Yena!" O tla tsoga le ka phodišo diphegong tša Gagwe. Yeo ke nnete.

⁷³⁵ Gomme kereke, mašalela a Bajuda, ge mafelelong ba bolaya baprofeta ba babedi ba, gomme ba robala mokgotheng ka semoya o bitšwago Sodoma le Egepeta, moo Morena wa rena a bapotšwego, ba romelana dimpho seng sa bona (lefase le a dira).

⁷³⁶ Bjale, Ngwanešu Palmer, ke wena yo. Lebelela morago go histori ya Roma gomme o tla hwetša go ne setšhaba se nnoši ka lefaseng lohle seo se kego sa romela dimpho ka morago ga ntwa, seo ke Mmušo wa Roma.

⁷³⁷ Ke ka lebaka leo ke bolelago gore molwalekriste o tšwa go Roma. Sebata se tšwa go Roma, se ka se tšwe go Moscow. Se tšwa go Roma, trakone ye khubedu yeo e emego go mosadi go metša Ngwana wa gagwe ka pela ge A tswetšwe. Diabolo, o be a le kae diabolo yola? E be e le mang? Kesara Agostose yoo a rometšego le go bolaya bana go tloga bogolo bja mengwaga ye mebedi go theoga. Trakone ye khubedu, trakone, *sebata* se ra "maatla." Maatla a Roma a hlomere le go leka go hwetša Ngwana yola Kriste.

⁷³⁸ Gomme selo sela sa go swana! Nako ye nngwe le ye nngwe ge Baroma, Baroma ba kgale ba bohetheni ba be ba fela ba e ba le phenyo ye kgolo, ba be ba tla romelana matlapa a mašweu le se sengwe le se sengwe seng sa bona, bjalo ka dimpho ka mokgwa wola, bjalo ka digopotšo. Kafao matlapa ale a be... Se a bego a le, a be a le dimpho di rometšwe magareng ga kereke ya Roma. Ka nnete! Tlwa. Go swanetše go ba.

⁷³⁹ Ke eme thwi fale ka Vatican City gomme ke e kgonthišitše ka Beibele. Mopapa a apere mphaphahlogo wa go hlatlagana ga raro, *Vicarivs Filli Dei*, dilo tšohle tšela tše ke di kwelego le go ya pele, ka nnete ke therešo; sehlopha sa bodumedi seo se laolago setšhaba se sengwe le se sengwe ka tlase ga Legodimo, gomme se a dira. Sesela sona, go bjalo.

⁷⁴⁰ Ga go selo kgahlanong le batho ba Katoliki (aowa, mohlomphegi), ba no ba go loka boka e ka ba mang gape, eupša bodumedi bja bona bo fošagetše go ya ka Beibele ye. Ge eba Beibele ye e nepile, bona ba fošitše. Ba bolela ga ba... "Ga go kgathale se Beibele e se bolelago, ke se kereke e se bolelago." Re dumela gore Beibele yeo e bolela ka maatlataolo a phagamilego! Ka nnete, ke Lentšu la Modimo.

⁷⁴¹ Kafao le a bona fale, matlapa a a rometšwe nako yela, ya Kutollo fa, ke ma—ma matlapa ao a bilego dimpho ba di romelanego seng. Ye feela e yago go bontšha... Beibele e rile,

Kutollo fa, e rile, “Anke yena yoo a nago bohlale a bale dinomoro tša sebata. Anke yena yoo a nago bohlale a dire *sa gore le gore*. Anke yena yoo a nago moyā wa dimpho tše rilego a dire *sa gore le gore*.” Le bona ka fao kereke e lego kopana?

⁷⁴² Lesogana le mpotšišitše mosong wo ka ga dimpho tša moyā, ka ga go bolela ka maleme. Moisa yo mofsa, wa go hłokofala ruri, ke a dumela o ya go ba modiredi le lengwe la matšatši a. Gomme ka ga kereke, ke rile, “Go ne bontši bja yona bjoo e lego nama. Ga re nyake seo, eupša re nyaka selo sa kgonthé. Re hlologetšwe go ba le sona.”

⁷⁴³ O ka se ye go e ruta ka kerekeng; selo sa pele le a tseba, le a hwetša, o tee o ne leleme, o tee o le pesaleme, gona o swanetše go lweša selo ka ntle. Eupša ge Modimo a efa mpho ka go ikema, e tla iponagatša yonamong. Yeo ke nnete. Le a bona, tšeō ke dimpho tša Modimo, ke seo A se romelago go Kereke bakeng sa go fenyā.

⁷⁴⁴ Bjale, molwalekriste o ne se sengwe boka hlogo le mosela, se ne tse—tse—tse tsela ya go fapoga e se dira. Gomme woo ke mmušo wa Roma wo o romelanago dimpho seng, dimpho tša tlhago. Modimo o romela dimpho tša semoya go bafenyi; Roma e romelana dimpho tša tlhago seng.

⁷⁴⁵ Re dumela Moya wo Mokgethwa ke Moya, re O amogela ka kolobetšo yeo e tšwago Godimo.

⁷⁴⁶ Kereke ya Katoliki e ruta, “Senkgwa se sekgethwa e lego mmele wa Kriste; gore ge o amogela borotho le košere ye, *ke* Moya wo Mokgethwa, Moya wo Mokgethwa, senkgwa se sekgethwa.” Le a bona?

⁷⁴⁷ Re dumela ke karolwana ya senkgwa, ga re dumele ke mmele wa Kriste, (re itokiša go se tše mo metsotsong e se mekae). Re dumela se emela mmele wa Kriste. Eupša ga se . . .

⁷⁴⁸ Yeo ke phapano magareng ga thuto ya Katoliki le ya Protestant. Le a bona? Kereke ya Katoliki e re, “Mmele ke . . . Senkgwa *ke* mmele wa nnete. Kereke e ne maatla go se fetolela go wo.” A le kile la bona Mokatoliki a feta kerekeng, a inamiša hlogo ya gagwe, a dira difapano? Gomme ka lebaka la gore seetša se sennyane se tuka ka kerekeng fale ka tlase ga tabarenekele yela ye nnyane. E na le seetša se sennyane ka fale, gomme senkgwa selā sa košere se letše ka fale. “Gomme woo ke mmele wa Kriste. Gomme ge o tšeā seo, ka nnete o tšeā mmele wa tlhago wa Kriste go selalelo sa gago sa mathomo le maboipolelo a gago le go ya pele. O tšeā, ka nnete, mmele wa Kriste.”

⁷⁴⁹ Re bolela gore se *emela* mmele wa Kriste, le a bona, gore ga se selo ka lefaseng eupša karolwana ya senkgwa. Gomme ga go kgathale ge eba ebile e be e se senkgwa, ge e ka be e le e ka ba eng gape, e be e le go emela feela go swana. Feelā—feelā tlwa. Ge eba ba . . .

⁷⁵⁰ Boka batho ba bao ba rego, “Nka se kolobetšwe ka mogobeng, ke nyaka go kolobetšwa ka nokeng.”

⁷⁵¹ Go dira phapano efe, ge feela o kolobeditšwe? Ge eba ke ka mogobeng, gomme... Gobaneng, Filipi o kolobeditše ka mogobeng... ge letona le be le kolobetšwa. Ge Filipi a kolobeditše letona ka mogobeng, Moya wo Mokgethwa o mo hlatlošitše bjalo kudu gore O ubutše Filipi, ga se a bonwa lebaka la dimaele tše makgolo pedi. O Mo ubutše ka Moyeng, wa mo fa ko—ko koloi thwi go tšwa Legodimong lebaka la dimaele tše makgolo pedi. Amene. Semaka!

Bjale:

Bakgethwa ba tla ba kae ka morago ga pušo ya mengwaga ye sekete? Gomme ke mohuta ofe wa mmele ba tla bago le ona?
Ke tla tla morago go yeo mo nakwaneng. [Ngwanešu o araba ye go thoma temaneng ya 820, bjalo ka potšišo 74—Mor.] Ba ba be ba ne Jesu.

⁷⁵² Go lokile, po—po potšišo ya bošupa:

72. Re tla ahlola barongwa bjang?

⁷⁵³ Yeo e hwetša ka go... Re tla ahlola barongwa bjang? Ka go beng barwa le barwedi ba Modimo. Barongwa ke bahlanka; rena re barwa le barwedi ba Modimo. Gomme Beibele e boletše gore re tla ahlola barongwa. Yeo ke nnete. Bjale, bjale ge eba...

Potšišo ya 8:

73. Gobaneng moriri bakeng sa barongwa go Bakorithe ba Pele?

⁷⁵⁴ Bjale yo mongwe nkhweletše Bakorinte ba Pele, te—te tema ya 11, gomme re tla bona fale, gore le tla hwetša gore mo—mo... Ka go Bakorinthe ba Pele, ya—ya 11, re hwetša gore Paulo o a bolela. Anke ke e fetiše feela mo motsotsong, gomme morago re tla e bala thwi ka pela gomme morago re tla—re tla ba le yona fase.

⁷⁵⁵ Ke ne se sengwe go bolela go temana ye nngwe ye fa, seo ke holofelago Morena o se fa go rena ka tsela ye re swanetšego go ba le sona. Ge eba yo mongwe a e hwetša... Ke nagana yeo ke tema ya 11, ya, go lokile. Bjale theetšang kgauswi, kgauswi ka kgonthe bjale, gore le tle le kwešiše. Bjale tšeang letsvalo la lena lohle gomme o le bee ka potleng ya gago ya besete go fihla ka morago ga ge ke badile ye, le a bona, go swaya go Yona. Theetšang kgauswi ka kgonthe, ye ke O RILALO MORENA:

Ebang balatedi ba ka, ebile boka nna... ke le wa Kriste. (Paulo o rile, “Le a ntatela, feela boka ke latela Kriste.”)

Bjale ke a le reta, baena, gore le a nkgopola dilong tšohle, le go bolekeng ga melao, boka ke e tlišitše... go lena.

Eupša nka rata lena go tseba, gore hlogo ya monna mang kapa mang ke Kriste; gomme hlogo ya mosadi ke monna; gomme hlogo ya Kriste ke Modimo.

⁷⁵⁶ Le bona ka fao e lego? Modimo, Kriste, monna, mosadi. Bjale:

Monna mang le mang ge a rapela goba a profeta, hlogo ya gagwe e apešitšwe, o tlontlolla Kriste.

Eupša mosadi mang le mang a rapelago goba a profetago a apotše hlogo ya gagwe o tlontlolla hlogo ya gagwe: . . .

⁷⁵⁷ Bjale re no ba le motsotso, le go le bontšha gore moriri go mosadi ke seapešo sa gagwe:

. . . ka lebaka leo . . . ebile bohole o tee o ka re o be a beotše. (Seo sa ra gore ge—ge a eya go go kota moriri wa gagwe, gona o beole.)

Gobane ge mosadi a se a apešwa, anke gape a beolwe: (go šefa go ra go beola, le a bona) . . . eupša ge go le dihlong go mosadi go beolwa goba go šefa, anke a apare.

⁷⁵⁸ Bjale re tla thwi tlase go potšišo fa o e botšišago. Le a bona? Go lokile, bjale ke phošo go mo—mo mohumagadi go kota moriri wa gagwe, go ya ka Beibele. Bjale theetšang thwi fa gomme le bone ge eba Beibele ga e fe monna maloka a semolao go hlala mosadimogatša wa gagwe ge a kota moriri wa gagwe, le bona ge eba se se nepile goba aowa.

Ge monna . . . Gobane monna ka nnete ga se a swanela go apeša hlogo ya gagwe (ke gore, go ba le moriri o motelele), ka ge kudu a le ka sebopego le le letagong la Modimo: eupša mosadi o ka letagong la monna. (A le kile la nagana ka yeo?)

⁷⁵⁹ Bjale ke nyaka go ema fa, gobane ke nyaka ye go nwelela gabotse ka kgonthé, le a bona. Gomme bjale elelwang, ke bone masome a diketekete a basadi ba go ratega (ke a ba tseba gonabjale, gomme boati bja bona ba dutše ka kerekeng ye) bao ba nago le moriri wo mokopana, bao ba lego Bakriste. Gomme se ke se beago go sona ga se bolena, ke ka tsela yeo le rutilwego. Le a bona? Yeo ke yona. Moreri wa lena ga se nke a ke a le botša se. Eupša mosadi e ka ba ofe tikologong ya tabarenekele boka ye, gona ba molato. Le a bona, gobane kgonthé re ba botša ka yona.

⁷⁶⁰ Bjale, bjale šetšang se:

. . . monna . . . Gobane . . . (Temana ya 7) . . . Gobane monna . . .

⁷⁶¹ Bjale, ke mang a boleLAGO fa? Bjale, dinako tše dingwe mohumagadi o re, “Oo, Paulo o be a le mokgalabje sehloyabasadi.”

⁷⁶² Gabotse, bjale ge re sa le go yona, a re phuthulleng godimo fa go Bagalatia 1:8, gomme re bone se Paulo a se bolelago ka se, le a bona, Bagalatia 1:8. Le tla hwetša gore Paulo o boletše fa ka go Bagalatia 1:8:

*... le ge rena, goba morongwa go tšwa legodimong,
a rera ebangedi efe ye nngwe ntle le ye le šetšego le e
kwele, anke a be morogakwa.*

⁷⁶³ Bjale le se mpee molato, beang Yena molato, le a bona.

*Gobane monna ka nneta ga se a swanela go apeša
hlogo ya gagwe, ka ge kudu a le ka go letago le
seswantšho sa Modimo: eupša mosadi o ka go letago le
go seswantšho sa monna.*

⁷⁶⁴ Bjale šetšang temana ya go latela:

*Gobane monna ga a tšwe go mosadi; eupša mosadi ke
wa monna.*

*Ešita monna ga se a hlolelwa mosadi; eupša mosadi o
hloletšwe monna.*

⁷⁶⁵ Bjale, ke ra se bjale ka lerato la kgontha le bobose, gomme ke a holofela le e kwešiša tsela ya go swana ke bolelago se. Eupša Amerika . . . Bjalo ka moeti wa boditšhabatšaba, Amerika e ne ye mengwe ya tlasetlase kudu, melao ya go goboša bakeng sa basadi ba bona go setšhaba e ka ba sefe ka lefaseng. Paris, Fora e ka ba sengwayasebakabakeng godimo lehlakoreng la tsela Amerika e dumelelago basadi ba bona go dira. Ke kgobogo!

⁷⁶⁶ A le lemogile gore modimo wa Amerika ke mosadi? Nka netefatša seo go lena ka Beibele ye. Yeo ke nneta. A le a lemoga go swanetše go tla ka tsela yeo gore kereke ya Katoliki e kgone go tsenya thuto ya yona ya Maria kgarebe?

⁷⁶⁷ Bjale, ge eba mosadi a se a direlwa monna, e sego . . . Ge monna a se a direlwa mosadi, eupša mosadi a diretšwe monna, gona le ya go rapela mosadi bjang? Le a bona? Bjale, e dirile eng, e thomile ka Paris gomme e kotame ka Hollywood. Bjale Paris e swanetše go tla Hollywood go hwetša bamotlelara ba bona le go hwetša difešene tša bona le dilo, ke go goboša basadi ba rena ba Amerika.

⁷⁶⁸ Ke eng? Setšhaba sa rena se tlie gannyane kudu go fihlela ebole ba tšere mešomo go banna, gomme ba beile mosadi ntle fa ka mafelong a, go fihla diphesente tše masomesenyane tša bona, go nyakile, ke bagwebakammele. Gomme bolelang ka banna ba ile, kgontha, ke ka gobane ba hweditše basadi ntle fale ka mešomong ya bona. Gomme ba fihlile tlasetlase go fihla ba bea basadi bjalo ka baofisiri ba khutšo mo mokgotheng. Yeo ke kgobogo go setšhaba e ka ba sefe! Ee, mohlomphegi. Le ya go dira eng ka yona?

⁷⁶⁹ “O dira eng ka yona, Ngwanešu Branham?” Ke swanetše go e hlompha, ke nna modudi wa Amerika, ke dira se molaodi

mogolo a rego dira. Ge go ka tsoge... Ge la—ge lapa le ka tsoge la lahlegelwa ke tlhompho ya lona bakeng sa lapa (bana ba lahlegelwa ke tlhompho go motswadi), lapa leo le ripagane ka ditoki. Ge ke—ge kereke e ka tsoge ya lahlegelwa ke tlhompho ya modiša wa yona, gobaneng kereke yeo e ile. Gomme ge setšhaba se ka tsoge sa lahlegelwa ke ditlhompho tša sona tša kgorotsheko kgolo le diphetho tša yona, setšhaba seo se ile go ditoki. Yeo ke nnete tlwa. Re swanetše go hlompha dilo tše gobane ke molaodi mogolo, le a bona. Eupša ga se nnete mo mathomong. Ka nnete!

⁷⁷⁰ A le a tseba gore monna ka Beibeleng...ya Genesi, tema ya 1, ge Modimo a hlotše mosadi le—le monna, gomme o dirile monna le mosadi, gomme Modimo o boditše Efa gore “monnamogatša wa gago o tlo go buša, a be molaodi wā gago”? Bolela seo ka Amerika gomme o bone moo o tla bago! Saatena, ga se seo, mosadi o buša monna; ba swanetše go dira seo, mafelo a bohle a beakantšwe...

⁷⁷¹ Nka tliša basadi, ge eba ke swanetše, go tšwa kamoreng ya ka fale, ka ditasene, tša basadi ba bakaone... Ga ke re basadi bohle dinako tše dingwe ba se ke ba šoma; mohlomongwe ba ne monnamogatša wa go lwala goba se sengwe, gomme ba swanetše go šoma. Eupša ge ba se ba swanelo, ba se ke ba e dira. Lefelo la bona ke ka gae, sebo sa bona se sennyane, ke tlwa moo ba swanetšego go ba.

⁷⁷² Gomme basadi ba rena ba Amerika ba bile monyetla go ya le go ja kolobe goba ba hwe. Ebile ka go diphoofolo tšohle le go ya pele, ge selo seo se tšeа karolo, go a direga gomme go goboša moloko ka moka wa yona.

⁷⁷³ Go ne nonyana ye nnyane ka Afrika, gomme ke nonyana ye nnyane ya go topeleta.

⁷⁷⁴ Bjale, gantši, ya tshadi ka mehla ke ya sekobokobo ya tše pedi. Ye tona ka mehla ke ye botse kudu, tshepetona, kgamatona, kgakatona, kgo—kgo kgogotona, gomme ka mehla ke ye kudu... Ka gobane, ya tshadi ke nonyana ya legae. E dula ka sehlageng, e godiša ba bannyane ba yona. E ikgakanya go nong, noga, khoyote, e ka ba eng gape, le a bona, go godiša ba bannyane ba yona.

⁷⁷⁵ Eupša ka go moloko moo yeo...goba ka go bong moo—moo—moo mosadi, goba ya tshadi, e tletšego ka bobotse, ka mehla ke mohuta wa go nyenyefatša. Ka Afrika, o tšeа nonyana... Go ne nonyana ye nnyane kua, gomme yona e nnoši ka dikhonthinenteng tšeо ke di tsebago, moo ya tshadi e lego ye botsana kudu go phala ye tona. Gomme ge e dira... Nonyana yela—yela ke mmalegogwana kgafekgafe. O tla kitima tikologong gomme a hwetša molekani, gomme a kitimela ntle le go bea sehlapha sa mae morago ga ge e lometšwe ke ye nngwe, gomme e dira molekani go dula godimo ga mae mola a eya le go

tsoma molekani yo mongwe. Yeo ke nnete tlwa. Le a bona? Le bona se ke se rago?

⁷⁷⁶ Ka, bjale lebelelang, ka Amerika lehono, ka basadi ba rena. Lesogana go tšwa Kentucky le mpoditše, matšatši a se makae a go feta, gore go bile basadi ba makgolo seswai ba šoma ka planteng e rilego fa ka Kentucky. Gomme o rile, “Ka kgonagalo ke kgonne go ikwela go bolokega go eneng gore makgolo nne a bona ka nnete ke bagwebakammele ba mokgotheng, gomme ba nyetšwe le ka bana.” Mothaka yo mongwe o tšere mosadimogatša wa gagwe fale gomme o mo šomile ka poto, gomme morago o nyakile a mmolaille. Gomme yo mongwe o ile pele go thunya monna. Gomme yo mongwe a sega le go lwa. Seo ga sa swanela go ba. Seo ga se sa loka.

⁷⁷⁷ Bea mosadi morago ka moraleng moo e lego wa gona, gona se sengwe le se sengwe se tla loka. Eupša mmee ntle fale ka mošomong wa bohole, o ile. Nne- . . . ga ke re gore . . .

⁷⁷⁸ Basadi ba Amerika ba šonya nko ya bona gomme ba re, “Ga go selo go Yeo.” Gomme, “Mpontšhe.” Ka nnete, o swanetše go e dira, gobane Beibele e akanyeditšepele le tla e dira. Le swanetše go e dira.

⁷⁷⁹ Gomme fa ge . . . Go be go fela, nako ya kgale kudu, ka kerekeng ya Methodist, ge mosadi a kota moriri wa gagwe, o be a rakwa kerekeng. Ka nnete, ba dirile. Ee, ka nnete. Manazarene, Mapilgrim Holiness, Mapentecostal, bohole ba bona ba be ba fela ba e dira. Go diregile eng?

⁷⁸⁰ Le a tseba gobaneng? Le ne sekamosadi tsoko ka morago ga phuluphithi. Yeo ke nnete tlwa. Yo mongwe a boifago thekethe ya gagwe ya dijo . . . boifa le tla ba kgaola, la ba raka kerekeng. Ga se ba be le sona sebete go ema, go ema go Lentšu la Modimo ge eba Le gobatša goba ge eba ga La dira. Yeo ke nnete tlwa.

⁷⁸¹ Theetša fa, monna ke mmuši. O se nagane o tla buša ntlo. Ga se wena mmuši wa ntlo. Ka nnete o . . . Ga se wena lekgoba bjale, eupša o mothuši. Gomme Adama . . . Monna o ne pušo godimo ga mosadimogatša wa gagwe, gomme o rwele boikarabelo ka go feleta bakeng sa mosadimogatša wa gagwe. Modimo o dira monna go arabela mosadimogatša wa gagwe. Bjale, bala gomme o bone ge eba Modimo o bolela seo bjale.

Gobane monna ka nnete ga se a swanela go apeša hlogo ya gagwe, ka ge kudu a le ka go letago le se seswantšho sa Modimo: . . .

⁷⁸² Modimo ga se mosadi, Modimo ke Monna. Le a tseba ge ba dira kgarebe Maria le tšela tšohle, le go boe- . . . goba dipoelano le se sengwe le se sengwe boka seo, le go rapela Maria kgarebe, le a tseba go nkgopotša eng? Modimogadi yo mogolo Diana, yo Paulo a kgadilego le go koba. Yeo ke nnete. O rile, “Gobaneng, Modimo ga se mosadi!”

⁷⁸³ Leswika le wele go tšwa tšhemong, gomme ba rile modimogadi o lahletše seswantšho sa bona fase, ke ka lebaka leo ka Korinthe, le godimo ka fale, ba . . . bao ba rapetšego Diana, ba nyakile go ba bareri.

⁷⁸⁴ Ba rile, "Gobaneng, moyo o re boditše re ka rera."

⁷⁸⁵ O rile, "Eng? A Lentšu la Modimo le tšwa go lena, gomme le tšwa go lena le nnoši? Ge motho e ka ba ofe a nagana yenamong go ba wa semoya goba moprofeta, anke a amogele se ke se bolelago ke ditaelo tša Morena: anke mosadi a homole le go ba ka tlase ga ditaolo ka kerekeng, a se rute goba go ba le maatlataolo afe." Seo ke tlwa! Seo ke se Lengwalo le se boletšego. Le a bona? Gomme Modimo o ya go dira sehlapha sa bareri go arabela seo mo Letšatšing la Kahlolo.

⁷⁸⁶ Gabotse, theetšang! Le re, "Gabotse, ke a go botša, ke rutilwe seo." O tseba bokaone bjale! Yeo ke nnete. Ge eba wena goba yo mongwe a thoma go tsea moelo wa sehlare, gomme yo mongwe a go botša ke sa aseniki, gomme o—o ya pele le go se tsea golebjalo, yeo ke phošo ya gago mong ka morago ga seo. Le a bona?

⁷⁸⁷ Bjale theetšang se:

Gobane monna ga se wa mosadi; eupša mosadi ke wa monna.

Ka lebaka le mosadi o swanetše go ba le maatla hlongong ya gagwe ka lebaka la barongwa.

⁷⁸⁸ Ke ofe wa lena a e balago? Bakorinthe ba pele, tema ya 11, gomme temana ya 10. Ge le ka hlokomela, "maatla," (Gobaneng?) "lebaka la barongwa," Bakorinthe ba Pele, ka gobane barongwa ke monna, motseta. Lebelelang, ke "m" ye nnyane gape. Moo go rago Barongwa, ka Barongwa ba Legodimong, ke "M" ye kgolo, tlhakagkolo "M." Moo e lego "m" ye nnyane, ke banna barongwa.

Le ge go le bjalo ešita ga go monna goba . . . mosadi, . . . ešita le mosadi ga a gona ntle le monna—monna, mo Moreneng.

Ka ge mosadi e le wa monna, go bjalo le monna gape o ka mosadi; . . . dilo tšohle di ka Modimo.

Ikahloleng . . . lenabeng: a ke mo gobotse go mosadi go rapela go Modimo (ka moriri wo mokopana) a se a apara? (Naganang ka yona bjale)

⁷⁸⁹ Bjale šetšang:

A ebole le tlhago yonamong ga e le rute, gore, ge monna a ne moriri wo motelele, . . .

⁷⁹⁰ Le re, "E be e amana le eng?" Moriri. A ga le bone se Paulo a bolelago ka sona? Moriri, moriri wo motelele! Ge . . . Mosadi o swanetše go ba le moriri wo motelele. Temana ya 14 bjale:

A le tlhago yonamong ga e le rute, gore, ge monna a ne moriri wo motelele, ke dihlong go yena?

⁷⁹¹ Le a e hwetša? Ke dihlong go monna go ba le moriri wo motelele, eupša mos- . . . leo ke lefelo la mosadi. Modimo o dirile monna go fapano le mosadi, bong le ka ditebelelo, le ka go se sengwe le se sengwe gape. Ga se a swanela go apara seaparo . . . Beibele e boletše gore “Ge mosadi a ka apara para ya dileka goba seaparo e ka ba sefe seo e lego sa monna, ke makgapha le pono ya tšhila le ditlakala pele ga Modimo.” Gomme Modimo o tla mo dira a e lefelele. Ke mang le yago go mo theetša? Eupša ye ke Beibele!

⁷⁹² Gomme le kitima gohle le re, “Gobaneng, ke a nagana go bose go . . . bona basadi ba apere dileka.” Eupša Modimo o ba dirile go fapano, O ba nyaka ba apara go fapano.

⁷⁹³ Gomme Beibele e rile, “Ge mosadi ebile a ka apara seaparo seo e lego sa monna, ke makgapha.” Le tseba se *makgapha* e lego? Ke “se sengwe seo e lego ditšhila pele ga Modimo.” Gomme Jehofa yo mogolo Yo a lebelelago tlase godimo ga ren a go beng selo sa ditšhila . . . Gomme Beibele e rile . . .

⁷⁹⁴ Gomme lena ba le rego . . . Ba bangwe ba lena bahumagadi bjale, go basetsana ba lena ba bafsa go mahlalagading, lesomeseswai, bogolo bja mengwaga ye masomepedi, go ba dumelela ba kitime ntle fa ba apere boka a le!

⁷⁹⁵ Gomme wena, le wena, mama! Le a bona? Ge o eya ka ntle gomme o apara dileka tšela le dilo gomme o phela . . . le go tla mokgotheng, gomme—gomme a ba le diaparo tšela tša kgale tšebo ba di dirago matšatšing a, le go le dira le bogege boka se sengwe seo o sego sona. Le a bona? Gomme le ya ntle fa mo mokgotheng gohle le lebega thobalano, o ka ba feela go hloka molato le go hlweka pele ga monnamogatša wa gago le se sengwe le se sengwe, eupša ge o eya ntle mo mokgotheng gomme monna a go lebelela ka lebaka la ge o ipapaditše wenamong ka mokgwa wola, o molato, gomme o ya go arabela ka Letšatši la Kahlolo go direng bootswa le monna yo mongwe le yo mongwe yoo a go lebeletšego ka mokgwa wola. Seo ke se Beibele e se boletšego.

⁷⁹⁶ Beibele e rile, “Mang le mang a lebelelago mosadi go mo kganyoga, o šetše a dirile bootswa le yena ka pelong ya gagwe,” gomme o molato gomme o tla . . .

⁷⁹⁷ O tla kahlolong gomme wa re, “Morena, O tseba pelo ya ka; ga se ke tsoge ka dira bootswa, ke phetše go rereša go monnamogatša wa ka.”

⁷⁹⁸ Eupša go tla ba monna fa, go tla ba yo mongwe fa, yo mongwe fa, yo mongwe, yo mongwe, lesometlhano, masomepedi, masometharo, masomenne a bona ba eme fale ba re, “Molato wa bootswa!” Gobaneng? Monna tsoko o go lebeletše.

⁷⁹⁹ “Gabotse, ga se ke be le selo go dira le yona.” Gabotse, gobaneng o ka ipapatša wenamong ka mokgwa wola? Ge Modimo a go boditsé go se di apare, e be e le makgapha go e dira, gomme o ya go theetša *Who Loves Susie?* Goba ke eng sela . . .

⁸⁰⁰ A le hweditše go diregile eng ka yola *Who Loves Susie?* monnamogatša wa gagwe? Lena bohole le e bone fa e se kgale ka pampiring. Ge re be re le ntle ka Casper, Wyoming, e tšwile. Gomme leina la gagwe ke mang? Mothaka yola go . . . yela *We Love Susie*, goba ke eng ka—ke eng ka lefaseng sela e bego e le? La . . . Oo, se lena bohole le kokobanago gae ka Laboraro le go hlaiwa ke kopano ya thapelo go se bona. Ke eng seo bjale? *Re rata . . .* Leina la seo ke eng? [Kgaetšedi o re, “*I Love Lucy.*”—Ed.] *I Love Lucy*, monnamogatša wa gagwe o swanetše go . . . betha gohole, o swerwe ntle mošola ka Reno, Nevada, le mosetsana wa lekhalate, o be a phela le yena lebaka la mengwaga. Gomme ke seo le kokobanago gae go se bona sebakeng sa go ya, go kwa Ebangedi. Mosadi o ipoletše yona. Oo, kgaogelo! Ga go selo sa go hlweka ka ntle ga Jesu Kriste!

⁸⁰¹ Šegofatša pelo ya gago, ngwanešu, ke—ke tla botša wena—wena mothaka, ba bangwe ba . . . O re, “Oo, nna, lebelela legoro.” A mangwe a ma—ma manong a mabe kudu re nago le ona, ditopedi, ke dinonyana tše dibotse. O ka se ahlole nonyana ka mafofa a yona, le a bona. Kafao nno elelwang seo. Oo, nna!

⁸⁰² Bjale šetšang:

A ebole le tlhago . . . (yeo ke temana ya 14) . . . le rute, gore, ke dihlong go monna go ba le moriri wo motelele? (Woo ke wa mosadi.)

Eupsa ge mosadi a ne moriri o motelele, ke letago go yena: . . .

⁸⁰³ Bjale o bolela ka eng? Kefa yeo lena batho ba Katoliki le e aparago ka kerekeng? Aowa ka therešo! Seapešo se sennyane ka godimo ga hlogo ya lena, le sakatuku? O bolela ka moriri wa lena!

⁸⁰⁴ Bjale! Gomme ge mosadi a kota moriri wa gagwe, o tloša letago la gagwe, gomme ga se a dumelwelwa go tla aletareng go rapela. Le a bona, feela se e se boletségo fa, “A ke selo sa maleba go mosadi go ya go rapela ka hlogo e sa apešwa?” O re fa, o re, “Gabotse, o swanetše go kota moriri wa gagwe.” Kafao anke a beole letwadi gona. “Gomme ge eba o ya go beola letwadi,” e rile, “yeo ke tlontollo, ke dihlong go mosadi go dira seo.” Gona e rile, “O swanetše go apešwa.” Bjale, ke no—ke no bala lengwalo la Paulo. Lena bohole, e go lena, le a bona.

Eupsa ge eba mo mosadi o ne moriri o motelele, ke letago go yena: gobane moriri o filwe go yena bakeng sa seapešo.

⁸⁰⁵ A e boletše o tla fiwa kefa? Lena batho ba Katoliki goba lena Maprotestant, efe ye nngwe, bao le yago kerekeng gomme le nyaka go rwala kefa, o re, “Gabotse, ke ya kerekeng, ke swanetše go apara kefa.” Aowa, o swanetše go lesa moriri wa gago o gole. Yeo ke phapano. Le a bona?

...gobane moriri wa gagwe o filwe go yena bakeng sa seapešo. (Gomme ke hlong go yena go tla ka kerekeng ntle le go apešwa, go ya aletareng go rapela.)

Eupša ge monna a bonala go ba—go ba...(Ga ke dumele nka hlaboša lentšu leo, m-a-n-g-a-....).... Manganga—manganga (le tseba se manganga e lego), ga re ne setlwaedi se sebjalo, ga ešita le Kereke ya Modimo.

⁸⁰⁶ Bjale ge le nyaka go nganga ka yona, ngangang le Yeo. Go lokile, ge o nyaka go ba manganga ka yona, “Oo, ga go dire phapano e efeng. Anke re ba lese ba ye pele. Gobaneng, ke nagana ke se sengwe. Ke... Ga se se moriri o lego, golebjalo, ke se pelo e lego sona.” Yeo ke nnete; ge pelo e lokile, moriri o tla loka (Uh-huh).

⁸⁰⁷ Eya pele, ge eba o nyaka go ba manganga, Paulo o rile, “Ga re ne setlwaedi se sebjalo, ga ešita le Kereke ya Modimo.” O rile, “Ge eba o nyaka go ba wa lehlakoreng la Kaine, gabotse, nno ya pele.” Eupša Se ke se Paulo a bego a se bolela.

⁸⁰⁸ Oo, gomme ga ke re go sega, gobane ga se taba ya go segiša. Eupša ke a le botša bagwera, ke dihlong go bona ka tsela yeo dilo tše di dumelšwego go dira. Ke...

⁸⁰⁹ Theetšang! Go lena, barategi dikgaetšedi tša ka, ke nyaka le bogegeng bokaonekaone bja lena le go ba bokaonekaone bja lena, ke se re swanetšego go ba. Ke se re swanetšego go ba. Gomme o swanetše go ba bose le bonanana le se sengwe le se sengwe bjalo ka ge o ka kgona ge monnamogatša wa gago a etla, feela go swana bjalo ka ge yola a be a le moratiwa wa gago. Gomme o swanetše go mo gahlanetša mo mojako ka feela—ka feela ka tladimolwangwana bose bjalo go yena boka go bile letšatši o mo atlilego mo aletareng go ba monnamogatša wa gago. Yeo ke nnete. Ga ke le bee molato go bogegeng bokaonekaone bja lena le go beng bokaonekaone bja lena. Gomme ke nyaka le be ka tsela yeo, Modimo o a tseba ke a dira.

⁸¹⁰ Fa e se kgale kudu, ke be ke bolela le Jack Shuler. Ke mang a kwelego ka ga Jack Shuler? Moreri wa go tuma kudukudu yo Methodist e nago le yena. O rile, “Mosadi o a tla gomme o rile... moriri ditšhila gohle, gomme a sohla moti, gomme diaparo tša gagwe di le nkgetlwana godimo ga gagwe, o rile, ‘O a tseba, monnamogatša wa ka ebile ga a sa nkgotlelela.’”

⁸¹¹ O rile, “Ga ke mmone phošo.”

⁸¹² Yeo ke nnete. Bjale, eupša se o swanetšego go se dira, o swanetše go ba tseleng ya maleba. Se tše bonanana le bobotse

bja gago go tšwa Hollywood, bo tšee go tšwa Beibeleng, pele ga Modimo. Eba mohumagadi, itshware boka mohumagadi, apara boka mohumagadi, hlweka. Itshware boka mohumagadi, o se apare tšela...

⁸¹³ Monna kapa mang yoo a dumelago mosadimogatša wa gagwe go ya ntle le go apara dilo tšela tše dinnyane pele ga banna, le tšona dilo tše nnyane tša kgale... a tšwela ntle mo bjanyeng le go kotajarata, le dilo boka tše, morena, ke a go botša, ngwanešu! Ga ke—ga ke re go ba swaswalatša, ke... Modimo o a tseba gore seo ke pelo ya ka. Eupša ke tla go botša go... Ke ya go swanelo go fetoga bontši kudu pele nka dumelela wa ka go e dira. Ke ya go ba molaodi godimo mo thabeng godimo fale ge feela ke sa kgona, o a bona; gomme ge ke sa kgone, ke ya go sepela go tloga fale. Yeo ke nnete.

⁸¹⁴ Oo, ngwanešu, ke dihlong le kgobogo go basadi go dira seo. Gomme ga—ga ke re, kgaetšedi... Ga—ga ke go nyenyefatše, ke no leka go re... Kereke ya renfa ga e ne maloko, batho ba no tla fa. Eupša ye ke ntlo ya Modimo, gomme ka nnete re botša batho go se apare dilo tšela. Tše ke... o ya go di arabela mo Letšatšing la Kahlolo. Bjale šetšang fa. Gomme lesa moriri wa gago go gola, o a bona, gomme o be mohumagadi.

⁸¹⁵ Bjale:

Bjale ka go ye ke go e... Ke le tsebišago ga ke le rete, gobane le tla mmogo go... e sego bakeng sa bokaone, eupša bakeng sa bobe.

Gobane sa pele, ge le etla mmogo ka kerekeng, ke kwa gore go ne dikarogano magareng ga lena; le go ya pele,... (go ya bjale go tafola ya selalelo)

⁸¹⁶ Bjale theetšang Seo. Ke ka lebaka leo barongwa...

⁸¹⁷ Bjale, Ngwanešu Palmer, ga ke botše wena mo theiping ye o rera selo sa go swana tlase fale seo ke se dirago fa. Eupša o tseba botse le gabotse, gomme wena go beng moreri, o a tseba yeo ke Therešo, ngwanešu. Go lokile.

⁸¹⁸ Kafao *barongwa* fa ke “banna.” Ge o ka e hlokomba, Ngwanešu Palmer, e ka go leletere le lennyane “barongwa.” Gomme Beibele e ya pele... O bolela ka ga monna le mosadimogatša wa gagwe, o a bona, ke seo e lego taba.

⁸¹⁹ Ke ka tsela yeo batho ba hlakahlakanago kudu ka Beibeleng, ba re, “Gabotse, Modimo o bolela selo se tee *fa*, gomme se sengwe...” Bjale, le—le tlogela taba. Dulang thwi go taba ya go swana, ke phetho. O bolela ka monna le mosadimogatša.

⁸²⁰ Bjale selo se sengwe gape ke nyakago go se kgwatha pele re tswalela, go tla ntšea metsotsso e ka bago ye mebedi:

74. Bakgethwa ba tla ba kae ka morago ga pušo ya mengwaga ye sekete? Gomme ke mohuta ofe wa mmele ba tla bago le ona?

⁸²¹ Ke nagana yeo ke potšišo ye bosebose, ke no rata yeo. Bjale a re lebeleleng thwi ka go otlologa go yona.

⁸²² Mo mathomong, Modimo . . . Re tla ya morago go thuto ya rena ya Bahebere feela lebaka la metsotso e se mekae. Modimo o be a le o mogolo wo, mothopo wo mogolo wa mebala e šupago. Ke ba bakae ba tsebago seo? Le a bona? Gomme ke ba bakae ba tsebago gore Modimo o ne Meboya ye šupago? Ka nnete, Meboya ye šupago. Gomme go be go ne mahlo a šupago ka go kwana, le go ya pele, tšohle tše di etla mmogo bjale. Le a bona? Bjale, yoo e be e le Modimo.

⁸²³ Bjale ge Yena (Logos) a tšwile go Modimo, e bego e le Modimo a etla go tšwa go mothopo o tee wo o mogolo go ya ka go mmele ka sebolepego sa—sa motho; gomme se dirile Logos, ye re e bitšago theophany.

⁸²⁴ Bjale, ge o tšea theophany ge o lebeletše yeo, yoo ke motho. Bjale ka gore re . . . Bjale, ke moo re bego re le mathomong. Bjale, ga le e kwešiše bjale, eupša le be le le morago fale mo mathomong ka tsela yeo. Ge motho a dirile . . . Ge Modimo a dirile motho ka seswantšho sa Gagwe, O mo dirile theophany. Gomme O nno mmea ka nameng . . . Ge Modimo a dirile motho ka seswantšho sa Gagwe, ka go swaneleng ga Gagwe, go be go . . . Ka go Genesi 2, go be go . . . goba Genesi 1:28, ke a dumela ke yona, “Go be go se motho golebjalo go lema mobu,” gomme Modimo o be a šetše a dirile tona le tshadi. Yeo ke nnete, “Ga go motho go lema mobu.”

⁸²⁵ Morago Modimo o tlisitše motho tlasana gannyane gomme o mmeile ka bophelong bja phoofolo, woo ke mmele wo, feela boka diphoofolo gore a kgone go lema mobu, a kgone go kgwatha. Theophany yela ga e kgwathe, ga e bone, latswe, dupa, kwe; dikwi tše re nago tšona. Kafao Modimo o beile motho tlase fale gore a—a kgwathe le go kwa ka letlalo.

⁸²⁶ Gomme—gomme ge a be a sepela go kgabola serapa sa Edene, sa pele bjalo ka theophany (boka Moya wo Mokgethwa o le ka fa bjale o sepela ka fa), e hlahlile bophelo bja phoofolo. E laotše se sengwe le se sengwe, eupša ga se e kgone go lema mobu, le a bona. Kafao Modimo o mmeile ka nameng gore a kgone go lema mobu. A mo fa dikwi tše tlhano, go lema mobu le go lokiša di—di dirapa tša morara le—le go ya pele, gomme morago motho o sa bonagetše a le bodutwana. Oo, se ke seswantšho se sebotse.

⁸²⁷ Lebelelang, gobane ge a be a dirilwe pele, o dirilwe batho ba babedi mmogo. O be a le bobedi tona le tshadi, motho o be a le. Beibebe e rile o be a le. Modimo o dirile motho bobedi tona le tshadi, “O mo hlotše.” Hlokotmelang bjale, ge motho a arogantšwe go tloga go theophany gomme a beilwe ka nameng, o be—o be a se no ba gohle fale; karolo ya boyena bja gagwe e be e sa le theophany, kafao ga se e lebege gabotse.

⁸²⁸ Tona le tshadi ya kgomo di be di sepela fale, pere e sepetše fale, gomme poo e sepetše fale, gomme fale go sepetše se sengwe

le se sengwe gape, ka dipara. Eupša Adama, o... go be go le... Le a bona, go be go ne se sengwe se hlaetšago. Yona tlhogolalo yela e laeditše gore go be go le molekani a mo letile. Le a e hwetša? Gomme tšona dikgopolo gore re swanetše go hwa fa, gore re a tshwenyega le go tlabega, gomme re hlologela Bophelo bjoo bo se nago lehu, go laetša bo re letile. Le a bona?

⁸²⁹ Gomme Adama o be a le bodutung. Gomme Modimo, go bontšha gore ba ka se aroganywe... Bjale ke ya go tla morago ka go selo se sa go swana se, feela motsotsvana.

⁸³⁰ Lebelelang, ga se nke A ye le go tšea lerole gomme a dira Efa, eupša O dirile go tloga go lerole la setlogo, Adama. O tšere kgopo go tšwa lehlakoreng la gagwe gomme o mo diretše mothuši, gomme yoo e be e le Efa. O diretše monna, le karolo ya monna. O be a le karolo ya gagwe mo mathomong, ka tlholong, ka go theophany. O be a le karolo ya gagwe tlase fa ka go tlholo ye. O be a ka se aroganywe ka go tlhago ye nngwe, o be a swanetše go dirwa ka go tlholo ya go swana.

⁸³¹ Ke tlwa ka lebaka leo Kriste le Modimo ba swanetše go ba yena Motho wa go swana, go ka se be e ka ba eng go fapano. Ge eba O be a le monna wa go loka goba moprofeta, A ka be a se a ba Molopolodi; O be a swanetše go ba Mohlodi Yenamong. Eupša O sa le theophany bjale, le a bona, le ka tsela ye A bego a le nako yeo.

⁸³² Bjale motho o tla tlase fa gomme o—o be a le semaka; gomme Modimo o ratile seo, O rile, “Ke mo go botse, anke ba be mo lefaseng gomme ba phele fao go ya go ile. Ke phetho; go—go Bokagosafelego, pele le pele le pele. Anke e no gola, gomme mohlare wo mongwe le wo mongwe o tšweletše, le se sengwe le se sengwe ka mokgwa woo. Gomme anke motho a phele, le dibata di phele, le se sengwe le se sengwe gape, neng le neng. Seo se lokile.” Le a bona?

⁸³³ Gomme morago sebe se tsene. Gomme ke nyaka go dira setatamente se. Ka go... Batho ba bantši ba dira phošo ya go šiša go Lengwalo le tee le, gomme yeo ke go Pesaleme ya 23. Ba E bala ka mokgwa wo, “Ya, le ge nka sepela go kgabola moedi wa leswiswi wa morithi wa lehu.” Bjale, ga go selo se sebjalo. Beibele ga e bolele, gore, “Morithi wa leswiswi wa moedi... moedi wa leswiswi wa morithi wa lehu.”

⁸³⁴ E re, “Le ge nka sepela go kgabola moedi wa morithi wa lehu.” Bjale, pele go ka ba morithi, go swanetše go ba le seetša go dira morithi. Le a bona, Dafida go beng moprofeta le ka tlase ga tlotšo, ga se a dira phošo, o nno bolela Therešo: “Ya, le ge ke...” e sego, go sepela go kgabola moedi wa leswiswi, eupša “go kgabola moedi wa merithi ya lehu.”

⁸³⁵ Gona o swanetše go ba le phesente e itšego ya seetša go dira morithi. Gomme ke ka tsela ye go lego fa. Re bobedi tlhago le kagodimogatlhago. Mmele wo o bušwa ke lehu, gomme o

tlišitšwe ke mosadi; e sego ka selo eupša ka . . . E sego ka Modimo, o setšweletšwa go tša go Adama le Efa. O ka ba yo moso, yo mošweu, goba e ka ba eng o lego, o setšweletšwa, lehlogedi go tšwa go Adama le Efa. Seo se dira mmele wa gago o “tswetšwe sebeng, bopegetšwe bokgopong, wa tla lefaseng o bolela maaka.” O tšwilwe le go ahlolwa mo mathomong a bophelo bja gago, ebile go se, ntle le sebaka.

⁸³⁶ Bjale, ka gobane moyo woo o tlago go ona wena ka tlhago, le ka tlhago go tšwa go thobalano, tlhogeloa ya banna le basadi e tšweletsa ngwana wa lefase. Gomme lesa ngwana yola a nnoši, gomme o se mo rute selo se sebotse, o tla ya phošong. Se mo rute ga e šita nnete le phošo, o tla tsea phošo. Gobane ke tlhago ya gagwe go dira se sebjalo.

⁸³⁷ Šetšang lesea la kgale le lennyane, le se ka godimo go feta *goo*, le no gafa kudu; o tla no . . . o—o tla pitla diatla tša gagwe, le go ba yo mohubedu sefahlegong, gomme a swara mohemo wa gagwe. Kgontha. Ke eng? Ke tlhago ya gagwe. O e tšere go tšwa go papagwe goba mamagwe, o tee; o bile le sebefedi sa go lekanelo go lwa le ntšhi, goba papagwe. Ge ba sa dira, tatemogolo wa gagwe goba makgolo wa gagwe o dirile. Le a bona, ke lehlogedi.

⁸³⁸ Kafao se se dira . . . O tswaletšwe ka lefaseng. O tla ka tlhago, gomme bowena bjohle bja gago ke boso le go kgamathela, le go tšwiwa, le go rogakwa gomme o ya heleng. Yeo ke nnete!

⁸³⁹ Eupša ge o tswetšwe gape, gona Seetša sa Modimo se phadimela tlase ka go soulo yela (haleluya) gona ga e sa le moedi wa leswiswi, eupša ke moedi wa morithi ka go wona. O ka no ba o širilwe fa ke nama, le dilo godimo ga sefahlego sa gago, eupša go ne Seetša go lekanelo ka fale. Gomme letšatši le lengwe Seetša sela le leswiswi di swanetše go arogana! Gomme ge seetša se phadima, leswiswi le a tšhaba. Gomme ge re eya go ba le Kriste ka mmeleng wola, leswiswi le lehu di a nyamalala, gomme re thunyetša ntle ka go Seetša se se phethegilego. Letago go Modimo! Ke rena bao; ga go sa na bolwetši, ga go sa na leswiswi le tswakile le sona.

⁸⁴⁰ Gonabjale re ne bobedi bolwetši le thabo, le go ba le go phelega le maatla, gomme re ne *matseno* le *matšo*, le *merotoga* le *metheoga*, le thabo le manyami, le go ya pele. Gabotse, e no ba morithi. Re ne seetša sa go lekanelo go tseba gore go ne Seetša fale; gomme re sa le ka mmeleng, ka nameng. Eupša letšatši le lengwe Letšatši le ya go hlaba. Ke ge morongwa wa lehu a dula mo maotong a malao, ke ge ngaka e re gohle go fedile; gomme sa tlhago se se tšwa go sa kagodimogatlhago, gomme seetša se tabogela morago go Seetša, gomme leswiswi le boela morago leswiswing. Gona se sa go hwa se apara go se hwe. Ke ge go bola go go apara go se bole. Ke ge sa go hwa se se apara go se hwe, gomme re ba go tloga go sebopiwa sa nako go ya go sebopiwa sa Bokagosafelego. O ka se ye ntle fale ka leswiswi la kgotlompo, o

swanetše go ba le seetša ka leswiswing. Ke lena bao. Ke mmele wola o o amogelago.

⁸⁴¹ Re dira eng? Gabotse, ngwanešu mokgethwa morategi wa ka, kgaetšedi mokgethwa morategi wa ka, pele ga motheo wa lefase, ge Modimo a go hlotše ka seswantšho sa Gagwe, goba a hlotše mo—mo motho ka seswantšho sa Gagwe, gomme o hlotše mosadi ka seswantšho sa monna bakeng sa letago la monna, O go dirile theophany. Feela boka Yenamong, ge a rile “a Re” go dibopša tše A bego a di dirile, “a Re direng motho ka seswantšho sa Rena Beng, ka go swana ga Rena, theophany.” Modimo o be a se šo a ba nama, O be a le ka go theophany.

⁸⁴² Gomme Moshe o Mmone. Moshe o goeleditše, “Morena, anke ke Go bone.”

⁸⁴³ O rile, “Eya mošola gomme o iphihle mo leswikeng, ka mphatšeng.” Gomme Moshe o ile morago ka mphatšeng wola; gomme ge Modimo a feta kgauswi, magadima le medumo.... Gomme ge Modimo a feta kgauswi, O bile le mokokotlo wa Gagwe o furaletše ka mokgwa wo.

Gomme Moshe o rile, “E be e le mokokotlo wa Motho.” Haleluya!

⁸⁴⁴ O be a le Eng? Melekitsedeke yoo a fologilego, Kgoši ya Salema, a se nago tate goba mme, a se na mathomo a matšatši goba bofelo bja bophelo. Yoo ke Yena! Gomme O fologile. Yoo ke Yena yoo a boletšego le Abraham; yoo a Mo kgobokeleditšego mmele wo monnyane wa nama ka mokgwa woo, gomme “Fše!” o hemetše ka go ona, o tepogetše ka gare ga ona, gomme a fologa le go ja namane, o nwele maswi go tswa kgomong, gomme o jele potoro tsoko le borotho tsoko bja lehea. Le Barongwa ba babedi.

⁸⁴⁵ Gomme ge ba sepeletše ntle fale, gomme tšohle tša selo sela feela, “Fše!” nyamaletše le go ya kgole.

⁸⁴⁶ Ga se ka ke ka nagana ka seo. Fa nako ye nngwe ya go feta, ke hlahlela šele ya raborolo, ke bile le raborolo ya .22, yona ke .220 Swift. Gomme lena baena ba go thunya ka fa le a tseba. Kolo ye nnyane, ke kolo ya thoro ya masomenne seswai, feela e ka ba botelele *bjoo*, ya tlwaelo kolo ya .22. E hlahletšwe go nyakile ka go kamorana ya lerole ya .30-06. Bjale nna.... Feketori e hlahlela feela yeo go e ka ba dikgato tše lekgolo masomenne nne ka motsotswana. Go lokile, eupša o ka kgona go bea go lekanelo go... e hlahlela wenamong, gomme o ka kgona go e bea godimo go dikgato tše dikete tše tlhano ka motsotswana. Gomme—gomme gosegobjalo, ge o be o thunya.... Re be re thunya, letšatši le lengwe, go dijarata tše makgolo a mabedi, gomme kolo e be e betha lerole, e tla fofo pele sethunya se ka tsoge sa ba malewaneng. Ke ka fao e lego lebelo ka gona.

⁸⁴⁷ Gona o tsea senyenkulla meno (le a tseba, karolo yela ya mphaphathi ya senyenkullameno) gomme wa obeletša tlase ka go lerole la gago gomme wa tlatša selo sela ka lerole, feela e ka

ba dithoro tše nnyane tše nne goba tše tlhano, gomme wa e bea godimo ga fao, gomme morago wa bea kolo ya gago ka fale. Ema mo, gomme o ne kolo ka seatleng sa gago mo motsotswaneng. Gomme o e thunye ntle fale mo lepatlelong la kolobe e dutše dikgato tše makgolo pedi go tloga go wena, gomme lepatlelo la kolobe ebile la se tsoge le šikinyegile. Kolo e boela morago go maemo a yona a setlogo, morago go digase. Kolo še yeo e lego koporo le tshipi di hlakantšhitšwe mmogo, gomme ka panya ya leihlo, e morago go fihlela o ka se tsoge wa e hwetša gape. E boetše morago boka e bile mengwaga ye lekgolo ya bilione ya go feta, morago go digase. Digase tšela di swanetše go bopa le go tla morago go koporo le go tshipi, le go ya pele, ka mokgwa woo. Digase tšela di swanetše go dudišega.

⁸⁴⁸ Bjale, ke lena bao. Ke ka tsela yeo re lego fa, re tšwa go sephedi sa godingwana. Mo mathomong re be re le ka seswantšho sa Modimo. Seširo le leswiswi di re palediša go e tseba bjale. Eupša Jesu o boditše barutiwa ba gagwe O “be a ne bona pele ga motheo wa lefase.” Le a bona? Re be re le! O ka se e tsebe bjale, eupša o be o le kua mathomong. “Gomme ge tabarenekele ye ya lefaseng e phušoga, re ne e nngwe e šetše e letile!” Haleluya! Gomme gona re sepelela ka go theophany ye, se re kilego ra se phela, kafao re kgonia go ja le go šikinya diatla. Gomme disoulo ka tlase ga aletara di goeletša, “Botelele gakaakang, Morena?”

⁸⁴⁹ Go ne dikgato tše šupago tše di yago go Modimo, bakeng sa Meboya ye šupago ge—ge O fologa. Go lokile, ge le eya ka tlase ga aletara ya Modimo, ba be ba goeletša, “Morena, botelele gakaakang? A re ka ya morago, go kgabola tlase fa?”

⁸⁵⁰ Modimo o rile, “Feeela bakeng sa nakwana ye nnyane, go fihlela mogagabola a tlaišega selo sa go swana le se tlaišegilego.” Le a bona?

⁸⁵¹ Gomme morago disoulo di bowa morago, gomme ba ba banna le basadi gape, le go phela go ya go ile ge leswiswi lohle le lehu le bolwetsi le manyami a boso a nyamaletše; ga go sa na morithi, ke seetša sa letšatši ka nnete!

⁸⁵² Theetšang. Fa ke eng. Anke go be leswiswi ka mo le nyakago go ba; le ka se be leswiswi kudu go fihlela letšatši le tla šwalalanya nthathana ye nngwe le ye nngwe ya leswiswi. Leswiswi le seetša di ka se dule botelele mmogo. Gobane... Ke efe e lego maatla kudukudu? Ke seetša. Gomme ge seetša se phadima, leswiswi le a tšhaba. Amene. A ga la thakgala? A ga la thaba gore le a tseba? Go go pelaelo, ga go ne morithi e ka ba kae. Eupša Seetša se sa go šegofala seo se lego ka dipelong tša rena gonabjale, se sengwe se paka morago: Morwa wa Modimo, maatla a Modimo.

⁸⁵³ Gomme re sepela fa, šetšang maatla a Moya wo Mokgethwa a fologa le go ya ntle ka kopanong, gomme o re, “O be o le Mdi. Semangmang, gore o dirile selo se rilego, mo lefelong le rilego. O

be o tlaišwa ke se botelele *kudu*, eupša O RIALO MORENA, ‘Ema ka maoto a gago, o fodile.’” Gomme segole le sefolu ba tsoga ka maoto a bona. Gomme morithi wa motho, a llwe ke kankere, a tsogela bophelong le go phelega go go swa gape.

⁸⁵⁴ Ga go pelaelo, Jesu o rile, “Dilo tše Ke di dirago, le tla dira le lena.” Gomme O rile, “Ga Ke dire selo go fihla Tate a Mpontšhitše.”

⁸⁵⁵ Ke eng yeo? Seo ke Seetša seo se tlaggo go tswakana ka go leswiswi le, le a bona, go re lopolla. Le hwetša se ke se rago?

⁸⁵⁶ Bjale, letšatšitsoko go ya thwi morago fale, gomme ge theophany e eba nama ya go se hwe gape boka e bile mo mathomong, gona Jesu o a tla, gomme Modimo...ge Kriste a tla ba o tee. Kriste o tla be a dutše Teroneng, gomme batho bohle ba tla ba setho. Kriste o tla be a le Teroneng ya Dafida, Monna, Morena Jesu; go se tsoge a hwa. Re ka se tsoge ra hwa, re ka se tsoge ra babja, go se sa ba le manyami, gomme re tla phela go kgabola mengwaga ye sekete.

⁸⁵⁷ Gomme ge mengwaga ye sekete e fedile mo lefaseng, morago diabolo o a rotoga; gomme tsogo ya bobedi e a tla, tsogo ya ba babe. Ba kgoboketša madira a magolo boka lešabašaba la lewatle, gomme ba rotoga go dikanetša kampa ya bakgethwa, gomme ge e dira, Modimo e neša mollo le tshebelo go tšwa legodimong gomme a ba fediša.

⁸⁵⁸ Gomme Johane o rile, “Ke bone legodimo le leswa le lefase le leswa, gobane legodimo la pele le lefase la pele di fetile, gomme go be go se sa na lewatle. Gomme nna, Johane, ke bone Toropokgolo e Kgethwa, Jerusalema ye Mpsha, e fologa go tšwa go Modimo go tšwa Legodimong, e lokišitšwe boka monyalwa a aparetše monnamogatša wa gagwe.” Ke lena bao.

⁸⁵⁹ Fao o rile, “Mosadimogatša...Kwana le Monyalwa ba tla ba gona go ya go ile.” Go tla ba le lefase le leswa, sekwere sa dimaele tše dimilione le dimilione. Oo, nna. Toropokgolo, Beibele e e kala Toropokgolo ya sekwere sa dimaele tše dikete tše lesometlhano. Ke dimaele tše dikete tše lesometlhano botelele, dimaele tše dikete tše lesometlhano bophara, dimaele tše dikete tše lesometlhano bogodimo. Yeo ke tlhalošo tlwa ye Beibele e efago ya Toropokgolo. Ga go makatše ga go sa na lewatle, go be go se lefelo bakeng sa lona.

⁸⁶⁰ Oo, go tla ba le bobotse bjo bo bjalo! Gomme ka fale, go ne mothopo thwi go Terone ya Modimo, woo o elago pele ga Terone. Go ne mohlare ka mahlakoreng a mabedi a mohlare...a noka ya Bophelo. Gomme mo mohlareng wo go dula mehuta ye lesomepedi ya kenywa, gomme o enywa kenywa ya ona kgwedi ka kgwedi.

⁸⁶¹ Bagolo ba masomepedi nne šebao. Monyalwa šoo. Ba sekete le masomenne nne šebao, matona a tempele. O ngwanešu, re ya felotsoko! Dilo di re emetšego pele. Ba bane...Bagolo ba

masomepedi nne. Matona a kete tše lekgolo le masomenne nne. Monyalwa a dutše le Kriste. Nna, o bolela . . . Legae la Ka, Legae le lebose! Amene.

⁸⁶² Go nagana gore ke ne monyetla go yeng fale, gomme o ne monyetla wa go yeng fale. Gomme gobaneng o ka kgetha go sepela ka leswiswing le gomme wa se bone Seetša, le go hwa gomme wa ya ka tlhakahlakanong gomme wa se be selo? Gobane ge Seetša se tšeaa maatlataalo a sona a a phagamego, ga go sa na sekgoba bakeng sa leswiswi. Eya o hwetše moo leswiswi le ilego ge seetša se etla. Ke ge go, ge dilo tšohle di boetšwa morago go Modimo. Go bile, leswiswi le bile le mathomo, leswiswi le na le bofelo. Seetša ga se nke sa ba le mathomo goba ga se tsoge sa ba le bofelo. Modimo ga se nke a ba le mathomo goba a ka se tsoge a ba le bofelo. Kafao, letšatši le lengwe, lefase lohle le gobogilego ka sebe sohle sa lona le bobotse bja lona, bo bitšwago, le ohle mabose le maikutlo a lona, le matsaka ohle a lona le se sengwe le se sengwe le tla nyelelela go lefeela, gomme le ka se sa ba gona. Le ka se sa ba gona, go se sa naganwa ka lona! E rile, ebile, “Ebile go ka se tle go gopolweng gape.”

⁸⁶³ Eupša bašegofatšwa ba Morena ka mehla ba tla ba le Yena. Re tla ba le mmele boka mmele wa Gagwe Mong wa letago; le go phela le Yena, le go ja le Yena, le go dula le Yena, le go aga le Yena neng le neng le neng le bakeng la dikgala tša nakö; gomme mabaka a Gosafelego a tla tokologela pele le lefase la go hloka bofelo.

⁸⁶⁴ Gomme o ne kgetho bošegong bjo. Ge o se wa lokela go kopana le lefelo lela, ga go kgathale o ya kerekeng gantsi gakaakang, o moleloko wa go loka gakaakang, o lahlegile go fihlela Kriste a go fa Bophelo bjo boswa ka leswiswing leo o sepelago ka go lona. O ka no ba wa bodumedi. Bodumedi, theetšang, bagwera, bodumedi ke bohlale. Le a bona? Bana bohle ba Kaine ka mehla ba bile le bodumedi. Bajuda bale ba bile le bodumedi ge Jesu a etla, eupša ba ganne phološo.

⁸⁶⁵ O ka no ba wa bodumedi kudu bošegong bjo. O ka no ba Mopresbyterian, Momethodist, Mopentecostal, Monazarene, Mopilgrim Holiness. O ka no ba bodumedi bjalo; wa ya kerekeng ya gago gomme wa paka, o ka no opela le go goeletša le go tumiša Morena, o ka no tliša karolo ya gago kerekeng, o ka no swara moagišani wa gago gabotse, seo ga se ne selo se tee go dira le boyo bja gago bja Gosafelego. Kaine o dirile nthathana ye nngwe le ye nngwe ya seo. Ka nnete.

⁸⁶⁶ Beibele e boletše gore “korong le mphoka di tla mmogo.” Korong ye nnyane ya kgale e a ema, e a hwa bakeng sa pula, gomme me—me mefoka le yona. Ge pula e etla, mefoka e no thaba go hwetša pula boka korong e le. “Eupša, ke ka dikenywa tša bona, le tla ba tsebago.”

Bjale a re rapeleng ge le sa hlahloba dikenywa tša lena:

⁸⁶⁷ Bjale, Tate Modimo, go bile le dipotšišo tše rilego tše thata fa bošegong bjo. Nka no be ke se ka dira selo sa maleba, eupša bokaonekaone bja tsebo ya ka; O tseba pelo ya ka. Ke a rapela, Modimo, gore O tla e amogela. Gomme bjale, mohlomongwe, ka go tše dingwe tša dipotšišo tše, ge eba ke sa di dira gabotse, gona Wena bolela le pelo ya batho, gomme O di dire feela moo di swanetšego go ba. Ke ikwela gore O mpoditše. Eupša ge nka ba phošo, gona O ntshwarele.

⁸⁶⁸ Gomme ke a rapela, Modimo, gore yo mongwe le yo mongwe wa ba o tla tseela dilo tše ka pelong ya bona, gomme anke ba di eleletše le go nagana ka mokgwa wo, “Ee, kereke šeo, dilo tše šedi. Seo ke se Beibele e se boletšego.”

⁸⁶⁹ Mohlomongwe bahumagadi, Morena, O a tseba ga se ke re e ka ba eng ya sebele ka go ba botša. Eupša, Modimo, ke—ke rata dikgaetšedi tša ka, gomme O tseba seo, Tate. O tseba ka fao ke naganago ka bona. Eupša go ema le go ba botša se sengwe sa phošo, ke tla ba mo—mo mofori go bona. Ga ke dume go ba mofori go dikgaetšedi tša ka, ke nyaka go ba botša Therešo. Gomme, Tate, ke E tšeа thwi go tšwa Lentšung la Gago.

⁸⁷⁰ Gomme bjale ga ke sole baena ba ka, eupša, Morena, ke bolela gore ba bile phošo ge ba dumelela dilo tše. Gomme ge mohumagadi a tsebile go fapana gomme a ile le go e dira, gona go go yena, modiša ga a ne molato.

⁸⁷¹ Abba Tate, dilo tšeо ke Lentšu la Gago, gomme di go Wena. Bjale bolela le dipelo tša batho. Ke ba gafela bohle go Wena. Ke tla bona se O se dirilego, Tate; O a tseba. Bolela le pelo ye nngwe le ye nngwe. Re kgopela Leineng la Kriste.

Gomme ka dihlogo tša rena di inamišitšwe:

⁸⁷² Ke a makala ge eba yo mongwe a ka phagamiša seatla sa bona, a re, “Ngwanešu Branham, nno nkgopola gore ke kgone go ba mofenyi wa go felela, gomme mo letšatšing la mafelelo ke apare seaparo sa monyanya le go ba le Kriste.” A o ka phagamiša seatla sa gago, wa re, “Nthapediš”?

⁸⁷³ Yo mongwe le yo mongwe fela hlogo ya gago e le fase bjale, gomme o no inama. Modimo a go šegofatše, seo se kaone. Fao, Modimo a go šegofatše, kgaetšedi wa ka; le banešu, le bona, go phagamišeng diatla tša lena. Seo se a makatša.

⁸⁷⁴ Bjale, Tate, O bona diatla tša bona. (Ke a tseba, nako ye nngwe o nagana, “Gabotse, feela thapelo ye mynane boka yeo?”) Modimo, ke nagana ka ga mme yola, o boletše maabane, “Feela thapelo ye nnyane ka fale ka ntlong ya gagwe letšatšing lela ge mošemane yola a be a ehwa, dibeke tše tharo go phela, go ruruga gola ka bjokong, gomme bjale go fetola dilo.”

⁸⁷⁵ Ke nagana ka Hiskia, a thekgile sefahlego sa gagwe lebotong, gomme a goeletša, “Morena, ke a Go rapela, nkgaogele. Ntšhetše,

gobane ke sepetše pele ga Gago ka pelo ye e phethagetšego.” Go fetogile go tloga lehung go ya bophelong.

⁸⁷⁶ Kgoeletšo e tee go tšwa go Morwa wa Modimo, “Latsaro, etla pele!” gomme monna a hwilego a tla pele.

⁸⁷⁷ O Modimo, O rile, “Bolela, kgopela, gomme e tla fiwa. Ge o bolela e ka ba eng, dumela gore se o se bolelago se tla direga, o tla hwetša se o se bolelago.”

⁸⁷⁸ Bjale, Tate, ke a rapela gore ofe le ofe yoo a phagamišitšego seatla sa bona o tla amogela se ba se emišeditšego diatla tša bona. Gomme anke ba šegofatšwe. Gomme Modimo, ke a rapela gore o tla thuša dikgaetšedi tša rena, gore ba tla ba . . . anke ba itshware bonabeng, gore Sathane ka thelebišene le kgatišobaka ya *True Story* le go ya pele, yeo e swerwego ga bohlaswa, le mananeo a go se hlokolwe, ka fao ditšhila le mahlapa mo thelebišeneng le go ya pele, tše di ka . . . Di ka ba sedirišwa go thopela dimilione tša disoulo go Wena, eupša ka fao di sego tša hlokolwa, gomme go beilwe ntle dilo tšohle tše tša kgale tša ditšhila tšebo ba . . . Oo, go kweša bohloko bjang! Gomme go tseba gore moya wa diabolo o tsene ka gare le go dikologa dikgaetšedi tša rena, gomme ba leka go ba dira go fešena le go apara ka mokgwa woo.

⁸⁷⁹ Gomme re hwetša gore ka go . . . ka go banešu ba rena, le bona, Morena, gore ka fao ba nagantšhišago gore ba ka kgoga le go nwa, le go ya pele ka mokgwa woo, gomme ba sa le Bakriste gobane ba re ba “a dumela.” Anke ba tsebe gore “diabolo o a dumela, le yena.” Gomme ga se a phološwa, “o a dumela gomme o a thothomela.”

⁸⁸⁰ Gomme bjale, Tate, re rapela gore O tla re gaogela bohole, le go re swarela dibe tša rena, gomme mohlomongwe ba bangwe ga se ba phagamiša diatla tša bona, O Modimo, gaogela. Anke monyetla wo o latelago ba bago le ona, anke ba phagamiše diatla tša bona.

⁸⁸¹ Re lokišetša go tše selalelo, Morena. Re lebalele dikarogo tša rena le tše di fetilego tša bophelo. Gomme anke re amogele go tšhegofatšo ya Gago, gobane re e kgopela ka Leina la Kriste. Amene.

⁸⁸² Morena a le šegofatše. Ke maswabi go le swarelela ka mokgwa wo. Ke no makala, feela pele ga selalelo, ge eba go ne e ka ba mang a tlago go rapelelw, a ka nyakago go rapelelw, gabotse, re tla thakgala go dira seo feela nakong ye, ge eba go ne e ka ba mang go rapelelw.

⁸⁸³ Go lokile, ngwanešu, mo tliše thwi mo godimo, go tla ba kaone. Gomme feela nakwana, gomme morago re ya go—re ya go phatlalala. Gomme gona ge re phatlalala, gona bale ba nyakago go šalela selalelo, ba ka šala. Eupša gonabjale re ya go neela thapelo bakeng sa balwetši. A Beibele e boletše eng?

⁸⁸⁴ Ge ngwanešu a sa kgone go tsoga . . . Yeo e lokile, anke a no dula fao, re tla tla go yena. Yeo e lokile, anke a no dula fao. Gomme re tla theoga le go mo rapelela. Go okhei. Go lokile, mohlomphegi, nno mo lesa—lesa a dule thwi fao. Go boima go yena go ema fa, gobaneng, re tla thakgala go tla thwi go yena.

⁸⁸⁵ Bjale ke nyaka go dira polelo e tee e nnyane, mogwera wa ka morategi. O a bona, ke—ke a tseba gore Morena o netefaditše se gohole le gohole makga a mantši kudu. Le a bona? Ga se nna moreri kudu, ga ke ne thuto le go ya pele. Ke rata Morena Jesu, Modimo o a tseba gore ke a Mo rata. Eupša selo se tee ke bileditšwego go se dira, go rapelela balwetsi. A le dumela seo? Ebile pele ebile nka tsoge ka tseba ka ga mpho, ke be ke fela ke eya ntle fa sepetele; gomme ke gopola bona baoki ba re, “Bjale o ya go fola.” Le a bona? Gomme feela se sengwe, gore Modimo o bile mogau kudu go hlompha dithapelo tša ka go batho.

⁸⁸⁶ Ke a eleletša, bošegong bjo, ge go ka bitšwa, feela mothuthupo wa lefase ka moka tšekelele go mogohle ka lefaseng. Gomme ba re, yo mongwe le yo mongwe yoo Ngwanešu Branham a mo rapeletšego, etla fa, ke tla rata go wena go fa karabo go mmušo wa United States, ka lengwalo. Gomme yeo e tla ba kgašo ya lefase tšekelele. Ke a thanka, mohlomongwe dimilione tše nne goba tše tlhano tša batho ba tla araba pitšo yeo ge e ka be e tsebja. Le a bona?

⁸⁸⁷ Gomme bona batho, goba ba bangwe ba bona ba be ba šetše ba hwile, ba beetšwe ntle ke ngaka, le—le rammašara. Ba bangwe ba bona ba be ba bolailwe dikotsing; ba bangwe ba bona ba hwile lehu la tlhago. Ba bangwe ba bona ke difofu, dihlotsa, digolo, baphetlegi, bahlokofatšwa, monaganong . . . ka dipetlele, ebile ga se ba tseba re be re le ka sepetele go ba rapelela. Ba ba tliša ka gare, ba swanetše go ba tšea. Ba be ba tla lwa go hwetša tsela ya bona le go itshegaka bonabeng, ebile ba sa tsebe moo a lego. Mo metsotsong ye mehlano, ba ba sekeng, ba babose, batho ba go rata, le go hlapologelwa matšatši a bophelo bja bona ka moka. Le a bona?

⁸⁸⁸ Ke . . . Yona ke eng? Ga se Ngwanešu Branham. Ke Jesu Kriste, O nthometše go rapelela balwetsi. Bjale sese seo se lego. Ga se se atlege kudu ka Jeffersonville, gobane, lebaka šele. Bjale, ke nyaka le tsebe ke ne ba bangwe ba bagwera ba kgauswišwi le ba bakaonekaone ba thwi fa ka toropongkgolo ye. Le ge toropokgolo ka boyona, seemo sa toropokgolo, ga ke se rate. Ga ke rate seemo se, gomme ga se nke ka tsoge; ge ke be ke le mošemane yo monnyane, ke dutše, ke bala dipuku tša ka tša histori, ke rile, “Letšatši le lengwe ke tla tloga fa.” Le a bona?

⁸⁸⁹ Ga ke rate Jeffersonville, ke serorobja, go tlase ka fa. Go no ba serorobja ka kgonthé, gomme—gomme go gampe kudu. Eya godimo fa ka godimo ga Spickert Knobs goba felotsoko, gomme o lebelele tlase go leba New Albany le Jeffersonville, ge

eba o nyaka go bona. Lebelelang fa, dingaka ebile di a bolela bjale, gore, "Batho ba moedi wo ba ba go hloka madi ka lebaka la seemo."

⁸⁹⁰ Mohumagadi yo monnyane godimo fa, Mdi. Morgan, o fodišitšwe ka kankere, o išitše mpša ya gagwe ntle fa kliniking, o naganne e bile le dithwakga. Le tseba se e bego e le? Sethihi sa Colgates le dilo mo mabjanyeng moo e ilego go kgabola. Ke lefelo la go se hlweke kudu.

⁸⁹¹ Moisa o be a le ka Sešoleng, o ile tlase fa gomme o hweditše... O bile le asma. O ile tlase fa ka Florida gomme mahlo a gagwe a bile a maso ka kgonthe, gomme o ile godimo go ngaka, o rile, "Ngaka..."

⁸⁹² Ngaka e rile, "Bjale, o bile ka ntweng, a ga se o?"

⁸⁹³ O rile, "Aowa, mohlomphegi, ga se ke be."

⁸⁹⁴ Ge o nyaka go tseba ke mang, leina la gagwe ke Herby. Bjale, ge nka no nagana... Ke—ke ka go Union Nationala Bank, ka New Albany, ke thelara. Nno ya fale gomme o bone o tee a re go "Herby," mmotšiše.

⁸⁹⁵ Gomme o rile... O ile, o rile, "Ngaka," o rile, "ke ne saenase."

⁸⁹⁶ Gomme o mo hlahlobile, o rile, "Yeo ke nnete." O rile, "Ke naganne o be o le ntweng." O rile, "Mošemane, o dula kae?"

⁸⁹⁷ O rile, "O ka no se tsebe lefelo," o rile, "ke dula ka toropongkgolo ye nnyane go tshela Louisville, Kentucky, e bitšwago New Albany, Indiana."

⁸⁹⁸ O rile, "O ra go mpotša gore o tšere bothata bja saenase go tšwa go meetse a letswai a fa ka Miami, go tleng?" O rile, "Ge o ka kgona go phela ka Jeffersonville, Indiana, goba New Albany, Indiana, o ka kgona go phela e ka ba kae ka lefaseng sešole sa United States se ka go romelago." Yeo ke phetho. Le a bona?

⁸⁹⁹ Ke lefelo la go se hlweke kudu le lego ka lefaseng, leo ke tsebago ka lona, ntle le go ka ba ka go serorobja tsoko sa malaria. Le a bona? Gomme ke—ke—ke—ke ne bagwera fa.

⁹⁰⁰ Lebelelang fa, nka no ba bitša ka mokgwa wo. Lebelelang Ngak. Sam Adair, mokgotzi wa ka. Go lokile, go ne Mike Egan, o dutše fa. Oo, nna, ke ba bakae nka ba bitšago! Feela makgolo a bakgotzi ba kgonthe gabotse, bankane ba ka ba kgale, bao ke bilego bankane... Ga go kgathale ke bagwera ba bakae ba baswa ke ba hwetšago, ga se gona se ka tšeago lefelo go tšwa go monkane wa kgale. Le tseba seo.

⁹⁰¹ Mme wa ka wa go tšofala šole o dutše morago fale, ga a sa ne matšatši a mantši lefaseng, o ka go ye masometshela ya gagwe bjale. Mmago mosadimogatša wa ka šole, masomešupa, o ya go masomešupatee; o dutše morago fa felotsoko, ke a nagana, bošegong bjo. Gomme fao, go mo tlogela. Papa wa ka o bolokilwe

godimo fa; mosadimogatša o bolokilwe ntle fa ka Walnut Ridge; lesea la ka le letše ntle fa. Le bona se ke se rago?

⁹⁰² Ga—ga—ga ke rate...ga—ga—ga—ga ke nyake go dula fa, gomme ke a dumela gore go se ye kae, ka bonako, ke ya go swanelia go tloga. Le a bona, gobane go be go etla go nna, ke bolela se godimo ga phuluphithi le Beibele ya ka, kgafetsa.

⁹⁰³ Ge ke boditše mosadimogatša wa ka, ge ba re fa tšhelete go aga ngwako wa moruti wola wo ke o filego kereke ye...Kereke ye ke mong wa ngwako wa moruti; eya tlase fa, hwetša ge eba ga go bjalo. Le a bona, ke be nka se e tšee nnamong.

⁹⁰⁴ Bjale, ge ke be ke eya go aga fa, Meda o rile, “Ke nyaka go dula fa ka lebaka la mme wa ka.”

⁹⁰⁵ Ke rile, “Hani, feela ka kgontha boka re dira, re ka ba maswabi ka yona. O a bona, e no se šome. Modimo o rile, ‘Arogana,’ ke swanetše go e dira.”

⁹⁰⁶ Gomme o rile, “Gabotse, mme wa ka!”

⁹⁰⁷ Ke rile, “Mme wa ka, le yena. ‘Eupša yoo a ka se šiego ba gabon, gomme a Ntatela, ga se a swanelwa go bitšwa wa Ka.’ Gomme yeo ke therešo.”

⁹⁰⁸ Letšatši le lengwe, e sego kgale, ke ikwela ke ya go swanelia go šutha, ke gore, go ya kgole. Eupša tsela še, dikopano di ka se šome fa. Go ka se šome boka go dira e ka ba kae gape, gomme e ka ba mang yoo ebile a bilego ka kopanong o a tseba seo ke therešo, gobane ke thwi fa ka toroponglegae ya ka mong. Yeo ke yona.

⁹⁰⁹ Jesu o boletše selo sa go swana ge A etla.

⁹¹⁰ Ba rile, “Mothaka yo ke mang? A yoo ga se mošemane wa mmetli ntle fa? Ke sekolo sefe a kilego a se ya? O hweditše thuto ya gagwe kae? Bjale anke ke go bone o dira...O rile o dirile mehlolo godimo fa, anke ke go bone o dira selo sa go swana fa. Se o se dirilego ka Kaperenaume, anke ke go bone o se dira fa.”

⁹¹¹ Jesu o rile...“O makaletše gosedumele ga bona.” O retologile gomme o rile, “Ruri, ruri, Ke re go lena, moperfeta o hloka moperfeta ntle le ge a le magareng ga batho ba gabon ka nageng ya gabon.” A yeo ke nnete?

⁹¹² Gomme re a tseba...lebelelang go...Tšeang Finney, tšeang Sankey, Moody, tšeang John Wesley, sa nke a kgona go dira go ya go yona, le a bona, go fihlela a tlogetše naga ya gabon. Lebelelang go—lebelelang go—go—go Moody. Ge Moody, morokadieta wa Boston, o be a ka se ye le gatee, o tla Chicago pele a tuma. Le a bona? O be a swanetše go e hwetša go tšwa go ya gabon. O tla swanelia ka mehla go e dira.

⁹¹³ Eupša bjale, fa, Modimo o tla arabia thapelo ge o ka lebala ke William Branham (Le a bona?), ge o ka lebala ke William Branham o ne e ka ba eng go dira ka go yona, feela o tee go ema

le go go rapelela. Ke Jesu Kriste yoo a šetšego a dirile se o se kgopetšego go dira, ge o ka no e dumela. Le a bona? Ga se selo go dira . . . Ga ke ne selo go dira le yona, feela go hlatsela. Eupša go lebega eke go goleng fa le lena, gomme le tseba bofokodi bjo bongwe le bjo bongwe ke nago, le phošo ye nngwe le ye nngwe ke nago . . . Gomme le tseba se Modimo a se dirilego, thwi ka go toropokgolo ye.

⁹¹⁴ Toropokgolo ye, mo letšatšing la kahlolo, e tla arabela tefo ye kgolo letšatši le lengwe, gobane go bile makgolo le makgolo a diphodišo tša go ikgetha thwi fa (Yeo ke nnete.), thwi fa. Maswao le matete, le go bonagaleng ga Morongwa tlase fale, gomme dipampiri di phatlaladitše pele le se sengwe le se sengwe, gomme go le bjalo batho ga ba . . . Gobaneng go le?

⁹¹⁵ Bjale letšatši le lengwe, ke ya go tloga fa. Ke a makala: “Bofelo bja ka e tla ba eng? A go fedile? A bo no ba kgauswi? Ke bogolo bja mengwaga ye masomenne seswai. A bo no ba kgauswi le go fela?” Ke makala se. Ge eba ke . . .

⁹¹⁶ Lebelelang, gabaneng lefase le se la lemoga seswantšo sela fale? Gobaneng ba se ba swara seo thwi ka pela? Gobaneng ba sa sware dilo tše dingwe tše? Gobaneng ba sa sware diprofeto tše le dilo? Le a tseba, ba ka se kgone go e dira bjale, eupša letšatši le lengwe ke ya go tlogela lefase, gomme ge ke tloga, gona ba ya go E lemoga. Ba bangwe ba lena batho ba bafsa le tla lemoga seo morago ga ge ke ile. Le a bona? Eupša Modimo a ka se e dumelele go dirwa bjale. Bonang se . . . le kwešiša se ke se rago. [Ga go selo godimo ga theipi—Mor.]

⁹¹⁷ . . . Feela mphiri wa mosetsana yo monnyane. Mang kapa mang a ka ba le ona. Gomme ke a dumela Ngwanešu Sothmann o boletshe gore o tlogetše Beibele fa nako ya go feta a be a le fa, ke a dumela. E ka ba mang a hwetsago Beibele, be—be Beibele ye e lahlegilego fa? Ge o dira, ke ya Ngwanešu Fred Sothmann go tšwa Canada. Bjale a re rapeleng.

⁹¹⁸ Morena, gaogela, ge mmino o bapalwa ga bose gomme Ngwanešu Neville o ya go tlotša ka oli, Ke ya go bea diatla go balwetsi ka Leina la Jesu. Efe, Morena, bakeng sa phodišo ya bona. Amene.

⁹¹⁹ Yo mongwe le yo mongwe rapela, bjale, yo mongwe le yo mongwe. Go lokile.

Morena, yo monnyane, bjalo ka ge rakgolo wa gagwe a eme fa bakeng sa gagwe. O na le aletši ya maswi, maswi ohle. Eupša Wena o ne Maatla ohle gomme moisa yo monnyane a ka se be le tumelo bakeng sa yenamong. Gomme gona, Morena, ke ne tumelo bakeng sa gagwe, le batswadi le batswadikhukhu gomme re re, ka Leina la Jesu, gore lessea leo le tla kgona go nwa maswi le go phela bakeng sa letago la Modimo. Amene. Go tla ba ka tsela yeo.

Oo, Modimo, o rapelela tatagwe. Ke rapela le yena gore O tla fodiša tatagwe le go mo fa sela seo a se hlokago, Leineng la Kriste. Amene.

⁹²⁰ Bjale, go bonolo a ga go? Batho ba rapela, eupša seo ke se batho... Ba lebelela bakeng sa selo se segolo gomme ba se rarakanya. Modimo o e dira bonolo. Le a e rarakanya le go e foša. Le a bona? Nno dira... Anke e be bonolo boka Modimo a boletše: "Maswao a a tla latela bona bao ba dumelago; ge ba bea diatla go balwetši, ba tla welwa ke maruru," boka Modimo a boletše.

⁹²¹ Re bea diatla go mosadi yo, Morena, yo ke kgaetšedi wa rena a emego fa, gomme anke a fole bjalo ka ge re e kgopela, Leineng la Jesu Kriste. Amene.

⁹²² Tate, ge re bea diatla godimo ga kgaetšedi wa rena, Leineng la Jesu Kriste, ka segopotšong sa Beibele le thuto ya Morena, anke a fole.

Tate, Leineng la Kriste, re kgopela bakeng sa pholo ya kgaetšedi wa rena, le go rapela gore O tla mo fodiša ge re obamela Lentšu la Gago, go se pelaelo e tee ka monaganong wa ka eupša se a ka kgonago go ba...?... Amene.

⁹²³ Tate, re bea diatla go kgaetšedi wa rena, le go kgopela gore, Leineng la Morena Jesu Kriste, gore o tla mo fodiša le go mo thakgafatša. Amene.

Leineng la Morena Jesu, re bea diatla go ngwanešu wa rena le go kgopela gore O tla mo thakgafatša bakeng sa letago la Gago.

Tate, Leineng la Morena Jesu, re tlotša kgaetšedi, le go bea diatla go yena le go mo kgopelela phodišo Leineng la Jesu.

Tate Modimo, re bea diatla go ngwanešu wa rena, re kgopela gore, Leineng la Jesu Kriste, ge re mo tlotša gore O tla mo thakgafatša.

Tate, fa, mosadimogatša wa gagwe wa go ratega...?...mo tlotša le go bea diatla godimo ga gagwe, re e kgopela, Leineng la Jesu Kriste.

⁹²⁴ Morena Modimo, re tlotša Edith yo monnyane, re bea diatla godimo ga gagwe, le go kgopela Leineng la Morena Jesu Kriste gore O tla fa kgopelo ya gagwe.

Tate, go mmagwe, gape re a tlotša le go bea diatla godimo ga gagwe le go mo kgopelela phodišo, Leineng la Morena Jesu Kriste, anke a thakgafatšwe.

⁹²⁵ Tate, re tlotša lebjebohlokwa le lennyane le la lapa le, morethethopelo wo monnyane, Leineng la Morena Jesu, letšatši le tee go gafelwa go Wena, le go rapela gore O tla le fodiša...?...

⁹²⁶ O Modimo, Wena o tseba kgopelo ya kgaetšedi wa rena gomme re a Go leboga bakeng sa tumelo ye bogale ya gagwe. Bjale, anke dilo tšela tšeoa di kgopetšego, gore...?... o bapetše ka tšona ge a be a le yo monnyane, gomme Modimo, anke

lenaba le bofolle mosadi gomme anke a tle gae a fodile, Morena. Re rapelela monna yola, le yena, yoo a mo kgopeletšego, O tshepišitše, “Ge le ka kgopela e ka ba eng Leineng la Ka, Ke tla e dira.” Ke a rapela gore O tla fa kgopelo ye, Leineng la Jesu. Amene. Modimo a go šegofatše.

⁹²⁷ Morena, ka ge mogalatšika wo o ehwa phatleng ya ngwanesu, re kgopelela bophelo go tšwelela, ge re bea diatla godimo ga gagwe le go e kgopela, Leineng la Jesu, gore mogalatšika o tla fola.

Tate Modimo, re bea diatla godimo ga kgaetšedi wa rena morago ga go mo tlotša ka oli, Leineng la Morena Jesu Kriste, re kgopelela phodišo ya gagwe. Amene.

⁹²⁸ Tate wa Legodimong, ge kgaetšedi wa rena a eme bakeng sa dikatlego tše dintši tše kgolo O di tšweleditšego, o eme bakeng sa yo mongwe wa bahlanka ba Gago, modiredi, o tšhogile kudu; pelo ya rena ya kwelobohloko e ya go yena re tseba se a yago go se kgabola. Ke a rapela, Modimo, gore O tla tlotša kgaetšedi wa rena bakeng sa go ema fa bakeng sa gagwe le go mo tlotša bakeng sa phodišo ya gagwe. Ke a rapela, Leineng la Kriste. Amene . . . ? . . . Morena o a tseba . . . ? . . .

⁹²⁹ Gabotse. Ke thabile kudu. Yeo ka kgonthé ke tlotšo ya Morena. Morena Modimo, morago ga ge mosadi yo a hunolotšwego go tloga go letimone leo a lwelelo le lona lebaka la mengwaga, letšatši le lengwe O bile le yena a etla go feta ntlong fale gomme nako yeo Moya o theogile, “O RIALO MORENA,” morago ga ge a llile, o be a tla lala mo aletareng, o be a dirile se sengwe le se sengwe seo a tsebilego a dire bjang, eupša go tseré O RIALO MORENA. Bjale, o tlela lesea la samme wa gagwe yo a hlatšago; a sa kgonego go sepela, šetše a le ka godimo ga bogolo bja ngwaga. Ke a rapela, Morena, gore O tla fa ditšhegofatšo tša Modimo go yena Leineng la Jesu Kriste. Ke thabetše seo kudu, kgaetšedi, go bogega go fapaná, le gona. Gomme o kgolekgole le go hwa bjale, a ga o?

Tate Modimo, re rapela gore O tla šegofatša kgaetšedi wa rena ge re mo tlotša le go bea diatla godimo ga gagwe le go kgopela gore selo se O rilego: “Maswao a a tla latela bona bao ba dumelago. Ba tla bea diatla go balwetši, ba tla welwa ke maruru.” Re ipolela go ba badumedi, Morena, kafao re rapela gore O dire se sengwe, Leineng la Jesu . . . ? . . .

⁹³⁰ Tate Modimo, go tsebeng pelo ya mosadi yo monnyane yo, ka ge a e kgotholetše ntle, re rapela gore O tla mo gaogela le go fa kgopelo yeo a e kgopetšego. O Tate Modimo, bakeng sa lapa la gagwe, bakeng sa bana ba gagwe, mošemané wa gagwe, ka go ikgetha, Modimo, ke a rapela bjale, gore O tla fa dilo tše . . . ? . . . ka pelo ya ka yohle, ke a e kgopela, Leineng la Jesu. Amene.

Tate Modimo, ge re tlotša mosadi yo ka oli, le go mo rapelela Leineng la Morena Jesu, gore O tla mo fodiša le go mo thakgafatša bakeng sa letago la Modimo.

⁹³¹ Leina la gago le ka se direge go ba West, a le ka?

Tate, re rapelela mohumagadi yo monnyane. O kgopelela papagwe. Bjale, ke rapela gore O tla fa papagwe, bitša go pelo ya gagwe, Morena. O nyaka a phološwe. Ga a nyake a eba ka lefaseng boka a le, yo, ngwana wa gagwe mong, lehlogedi la gagwe. Ke a rapela, Tate, gore O tla mo gaogela, Leineng la Kriste.

⁹³² Wena šegofala, morwedi wa ka, anke Modimo a go fe, selo o se kgopetšego.

Morategi Modimo, re rapelela kgaogelo bakeng sa gagwe, gomme re kgopela gore O tla ba kgaogelo, ge re mo tlotša...?...



DIPOTŠIŠO LE DIKARABO BAHEBERE KAROLO YA III NST57-1006
(Questions and Answers on Hebrews Part III)

SERISI KA BOITSHWARO, TSHEPEDIŠO LE THUTO YA KEREKE

Molaetša wo ka Ngwanešu William Marrion Branham, setlogong o abilwe ka Seisimane ka Lamorena mantšiboa, Oktobere 6, 1957, ka Tabarenekeleng ya Branham ka Jeffersonville, Indiana, U.S.A., o tšerwe go tšwa go theipi ya go gatišwa ya makenete gomme o ngwadilwe ntle le go fokotšwa ka Seisimane. Ye ya North Sotho phetolelo e ngwadilwe gomme ya phatlalatšwa ke Voice Of God Recordings.

NORTH SOTHO

©2021 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriſte. Puku ye e ka se kgone go rekišwa, go tſweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditſhelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org